

船山公年譜

國史儒林傳

王夫之湖南衡陽人明舉人張獻忠陷衡州設僞官擢夫之夫之走匿南嶽賊執其父爲質夫之引刀自刺肢體昇往易父賊見其創也免之父子俱得脫歸居石船山杜門著書神契張載正蒙之說演爲思問錄內外二篇所著書有周易稗疏書經稗疏詩經稗疏其言易不信陳搏之學亦不信京房之術於先天諸圖及緯書雜說排之甚力而亦不空談元妙附會老莊之旨故言必徵實義必切理其說尙書詮釋經文多出新義然詞有根據不同游談其說詩辨正名物訓詁以補傳箋諸說之遺皆確有依據不爲臆斷又辨叶韻一篇持論名通足解諸家之膠轕又著尙

書引義春秋稗疏春秋家說康熙間吳逆在衡湘夫之又
逃入深山吳逆平巡撫嘉之餽粟帛請見夫之辭帛受粟
未幾卒

國史傳稿

明桂藩在肇慶大學士瞿式耜薦夫之爲行人司行人旋
以母病歸衡山

國史凡例

今查王夫之前明舉人在桂王時曾爲行人司行人浙江
黃宗羲前明布衣魯王時曾授左僉都御史明亡入我
朝皆未仕著書以老所著之書皆蒙收入

四庫列爲

國朝之書

四庫全書提要內多褒其書以爲精核今列於儒林傳中而據實書其在明事蹟者據歷代史傳及

欽定續通志例也

序

昔太史公采輯羣書爲孔子世家比事屬詞窮原竟委俾後之學者讀孔子書復讀世家稽其年齒考其行事曉然於孔子之本末而備悉其爲人雖以閱世過多搜采舊聞間容失審然七十三年中闕疑存信於孔子之德行道藝出處進退未嘗不多所發明也世家之輯曷可少哉吾宗船山公以前明崇禎壬午舉於鄉值寇亂日亟道梗不得赴會試張獻忠陷衡州公匿南嶽蓮花峰下寇獲公父武夷公質招公爲僞吏公自殘支體傅毒藥昇往易父旣皆獲免復匿南嶽山後黑沙潭意倘鉤索相尋卽致命遂志未幾明思陵殉國桂王建號肇慶公結管公嗣裘起義兵

圖恢復遽見潰敗尋遭鄉里之難一再赴粵授行人職以
疏救五虎幾陷不測時粵政日非殘明如綫公知事不可
爲乃遄返衡陽自是一意著述或與及門諸子講學或與
二三遺老游覽吟詠三十年間居敗葉廬及觀生居者十
有四年居湘西草堂者十有六年嘗再至洞庭一至江西
不久旋返平日蹤跡所至湘鄉爲多餘則祁邵之間而已
吳逆三桂之變人心煽惑有以勸進表屬者公異詞以謝
逃入深山越十一年直隸鄭公端巡撫偏沅風聞其事飭
衡州府知府崔公鳴鶴餽粟帛請見公卻帛受粟以衰病
辭臨終遺命墓碑書明遺臣蓋公忠於勝國之心七十餘
年猶一日也公生平所學邃於張子正蒙及近思錄演爲

思問錄內外二編以上契乎孔子故於周易詩書春秋禮記多發前人所未及於四子書詮解尤極精詳更肆力於老莊呂氏淮南諸子與夫屈宋楚詞爲之註釋漢魏以下遞及陳隋於文詩均有評選唐詩則於李杜加詳晚年所著史論於累朝治亂興亡得失之故反復推究洞澈無遺凡所著書百餘種沒後散在門人故舊家悉不傳越十一年康熙壬午宜興潘公宗洛提學湖廣公仲子啟游其門乙酉撰具行述抱家藏思問錄正蒙注莊子解楚詞通釋諸書呈乞作傳始稍稍章矣洎啟公年踰六十從遊之有志及姻友之有力者捐刊公書數種其後增至十餘種坊肆乃有傳本乾隆三十八年

詔開四庫書館搜訪遺書公著周易稗疏周易考異書經
稗疏書經引義詩經稗疏詩經考異叶韻辨春秋稗疏春
秋家說均蒙

欽定收入四庫並

詔史館列傳儒林公之學於是益昌公之見
衰

聖朝固願不及此也嗣後遺書日出道光間公六世孫世

任哀藏於家

之春

本支從父世全公謀刊百五十卷於湘

潭新化鄧先生顯鶴主其事湘潭歐陽先生兆熊寶贊成
之咸豐四年板燬於兵同治初元曾文正公國藩與忠襄
公國荃合謀重刻於金陵增益百七十二卷公書於是粗

備然合之未刻未見已著錄者僅八十八種其佚名者尙
數十種也今公書已遍海內而事跡散失傳聞異詞不有
年譜其何以原始察終也之春十四世祖統公與公七世
祖綱公爲同懷兄弟別居衡陽泉溪市乾隆三年析衡陽
東南二鄉置清泉縣故之春世爲清泉人之春於公在支
系不容膜視視尋常族姓與凡百後學自逾涯量藩鄂以
來就公文詩集中取其注有年分及事實可按者證以行
述潘公宗洛撰傳與乎族譜省志諸書謹用比次爲年譜
前後編亟付棗梨持以問世雖於龍門筆法非所敢擬庶
乎傳信後世亦仁明所不廢也爰揭顛末與世之讀公書
者質焉時光緒十八年壬辰冬月八世從孫王之春序於

鄂藩使署

行述 據家譜本

子政述

八世從孫之春謹錄

亡考

曾刻本

船山大人

曾刻本

諱夫之字而農別

曾刻本

號薑齋中歲稱一瓠道人更名壺晚歲仍用舊名居於湘

西蒸左之石船山自爲之記蒸湘人士莫傳其學間有就

而問字者稱爲船山先生所評選有漢魏六朝詩一帙四

唐詩一帙古文一帙緒論一帙皆駁時尚而辨僞體名曰

夕堂永日人士之贈答者又稱夕堂先生焉王氏系出太

原元至正以前失譜不詳十一世祖諱仲一揚州高郵人

曾刻本有從明太

以功授千戶生輕車公諱成

曾刻本有

字以翊戴功陞衡州衛指揮同知遂籍於衡陽七世祖護

軍公諱綱從都御史秦

曾刻本
作成諱

公金平柳韶賊以功晉驃

騎將軍上護軍祖武夷公

曾刻本
王父徵君

諱朝聘字修侯以天

啟辛酉副榜授迪功郎壹志潛修

曾刻本
棄官隱居

受學於邑大

儒伍學父先生定相究其

曾刻本
作極

天性物理以武夷爲朱

子會心之地志遊焉以題書壁學者稱武夷先生祖母諱

孺人生亡考

曾刻本
府君生

於萬曆四十七年己未九月初一日

子時年十四督學王開修先生志堅拔入學其後甯波水

向若先生佳膺

曾刻本
用膺潘撰傳堵

崑山王

澄川先生永祚皆鑒識首拔崇正

曾刻本
凡崇禎皆作崇正

十五

年壬午以春秋魁與伯父石崖先生同登鄉榜大主考爲

太史吉水郭公之祥副主考諫議大興孫公承澤房師則

安福歐陽方然先生介也華亭章公曠江門蔡公道憲是

科俱爲分考時國勢漸不可支出場後遂引爲知己互曾刻

本作以相砥勵是冬上計偕行至南昌道梗歐陽先生論

以歸養明年癸未張獻忠陷武昌遞陷衡州紳士多反面

納款其不降者賊投之湘水亡考曾刻本 匿南嶽雙髻峰

祖曾刻本 爲僞吏所得挾質以召伯父與亡考曾刻本 祖

作曾刻本 迫欲自裁亡考曾刻本 哀窘匿伯父自刺身作重

創傅以毒藥昇至賊所賊不能屈得免於難復返曾刻本

嶽峰曾刻本 有甲申五月聞北都之變數日不食作悲憤

凡四續焉乙酉以還走入永興將入搖响以徵君病不能

往明年丙戌湖廣兵烽塞野大旱赤地是時督師黎平何

公屯湖南宜興堵公屯湖北而李自成死九宮山餘黨降

附號忠貞營二公安置無術南北不協府君知湖上之敗

必錄此走湘陰上書於司馬章文毅公指畫兵食且諫其

調和二公以防互潰公報以本無異同不必過慮府君含

默而退已而堵公辟徽兩及府君卧未陽不往其後喪敗

相仍何堵二公前後俱以殉節章公亦憂憤而卒承元

年丁亥今皇清之廟于丁亥收湖南曾刻本無此句是冬祖

治四年也二百二十四字

曾刻本是歲冬十有一月王父徵君棄世亡考曾刻本作府君並有營葬嶽

後曾刻本有塋兆既成四字旦夕悲號膺難西走時前大學士瞿公式

相留守桂林曾刻本留守特章引薦曾刻本亡考曾刻本

疏乞終喪得旨云具見孝思足徵恬品著服闋另議曾刻本

已而歎曰此非嚴光魏野時也達母制終服闋曾刻本就行人

遠出以君為命死生以爾二十四字制終服闋曾刻本就行人

司行人介子之職曾刻本有少傳嚴公實砥柱焉紀綱大壞

驛帥外託宦倖內恣視宏隆朝之亡轍而更甚科臣金公

望袁公彭年丁公時魁劉公湘客蒙公正發主持振刷而

內閣王化澄悍帥陳邦傅內暨夏國祥等交害之指為五

虎廷杖下獄將置之死府君走訴嚴公諸君棄墳墓捐妻

子從王於川劍之下而黨人假不測威而殺之則君臣義
絕而三綱斃雖欲效南宋之亡明白抗慨誰與共之勸公
匍匐求貸時縱騎掠諸君舟僕妾驚泣府君正色責之而
止其後五人以嚴公力得不死而黨人雷德復誣參嚴公
府君抗疏指陳王雷誤國疏凡三上嚴公雖留而志不得
伸黨人吳貞毓萬翱且陷府君於不測府君憤激咯血因
求解職時有忠貞營降帥高必正募義營救之乃得給假
高必正者原名一功閩賊所謂制將軍者是也府君以其
人國讎也不以私恩釋憤三百字自此隨地託迹或在浯或在柳或在耒

或在晉甯或在漣邵所寓之處人士俱極依慕亡考曾刻本府

君不久留輒辭去最後自岳曾刻本嶽陰遷船山築土室名觀

生居遂以地之僻而久藏焉至於守正道以屏邪說則參

伍於濂洛關閩以闢象山陽明之謬斥錢王羅李之妄作

思問錄內外篇明人道以爲實學欲盡廢古今虛妙之說

而返之實自潛修以來啟甕牖秉孤鐙讀十三經廿一史

及朱張

曾刻本
張朱

遺書玩索研究雖饑寒交迫生死當前而

不變迄暮年體羸多病腕不勝硯指不勝筆猶時置楮墨

於卧榻之旁力疾而纂註顏於堂曰六經責我開生面七

尺從天乞活埋於四書及易詩書春秋各有稗疏悉考訂

草木魚蟲山川器服以及制度同異字句參差爲前賢所

疏略者蓋亡考

曾刻本
府君

自少喜從人間問四方事至於江

山險要士馬食貨典制沿革皆極意研究讀史

曾刻本
有讀字註

疏於書志年表考駁同異人之所忽必詳慎搜閱之而更

以聞見證之以是參駁古今共成若干卷至於敷宣精義

羽翼微言四書則有讀大全說詳解授義周易則有內傳

外傳大象解詩則有廣傳尙書則有引義春秋則有世論

家說左傳則有續博議禮記則謂陳氏之書應科舉者也
更爲章句其中大學中庸則仍朱子章句而衍之末年作
讀通鑑論三十卷宋論十五卷以上下古今興亡得失之
故制作輕重之原諸種卷帙繁重一一皆楷書手錄貧無
書籍紙筆多假之故人門生書成因以授之其藏於家與
子孫言者無幾焉又以文章之變化莫妙於南華詞賦之
源莫高於屈宋南華去其外篇雜篇詞斥聖門之譌妄屈
子以哀怨沈湘抱今古忠貞之慟其隱情莫有傳者因俱
爲之註名曰莊子衍曾刻本注楚詞通釋又謂張子之學切實
高明正蒙一書人莫能讀因詳釋其義與思問錄內外編
互相發明此亡考曾刻本自辛卯迄辛未四十年賣志不

陳用力不懈嘗自署其槩以爲吾生有事著曾刻本者也其他

則淮南子有旁注呂覽有釋劉復愚有評李杜詩有評近

思錄有釋皆發從來之所未及而衷訂其旨維時長嘯一

室作祓禊賦曰謂今日兮令辰翔芳舉兮蘭津羌有事兮

江干疇憑茲兮不歡思芳春兮迢遙誰與娛兮今朝意不

屬兮情不生予躊躇兮倚空山而蕭清闕山中兮無人蹇

誰將兮望春又山樓雨詩曰江城二月催寒雨山客三更

夢嶺雲青鏡分明知鶴髮寶刀疇昔偃龍文援毫猶記趨

南史誓墓還將起右軍飛鳥雲邊隨去住清猿無事憶離

羣時值華亭章司馬次子有謨南遊阻道亡考曾刻本府君延

入畫共食蕨夜共然藜以所注禮記授之夜談至雞鳴爲

常游兵之爲盜者竊聽而異之相戒無犯焉年七十三久
病喘嗽而吟誦不輟次年元旦尙衣冠謁家廟二日清晨
起坐不憚指先祖曾刻本有微君二字行狀墓銘付長孫若曾刻本作生若
曰汝慎藏之謂敵曰勿爲吾立私諡也良久命整衾時方
辰遂就簀正衾甫畢而逝享壽七十有四遺命禁用僧道
自題遺像曰把鏡相看認不來問人云此是薑齋龜於朽
後隨人卜夢未圓時莫浪猜誰筆仗此形骸閒愁輸汝兩
眉開鉛華未落君還在我自從天乞活埋其銘末句云幸
全歸於茲邱固銜恤以永世哀哉亡考之逝今十有四年
矣值

聖朝之寬大蒙太史之採風不孝敵伊蔚虛生采菽不似

於志夔不可企於學茫無所窺哀述梗概稍次本未仰乞
大君子於俗論之不亟取者而取之於人間之不欲傳者
而傳之曷勝匍匐哀慄而待

謹案 船山公衍述原 虎止公爲宜興潘公撰傳

而作今家譜所載潘傳與曾刻本

本世全公元刻今元刻本無存故稱

曾刻本 同而行述較曾刻本反略卽曾刻本行述亦較

潘傳爲略蓋 虎止公原作所述情事必與潘公相

仿初未嘗觸犯忌諱當修譜時 虎止諸公必有恐

陷深文甚且爲 公著述累者遂將其中偶涉

國朝與乎明藩以及吳逆諸語概從刪節故復返嶽峰句
下卽接于丁亥收湖南云云就行人司行人介子之

職下卽接自此隨地託迹云云皆發從來之所未及而衷訂其旨下卽接維時長嘯一室云云意蓋謂有潘傳在後人可參觀得之也曾刻本稱謂之外改字尙多且據潘傳於復返嶽峰下增入二百二十餘字於著服闋另議下增入二十餘字於就行人司行人介子之職下增入三百字校之潘傳情事既有參差語句亦不畫一其非原本可知之春所錄行述既遵家譜刻本異文附注其下俾世之閱者得以識焉之

春
謹識

彭剛直公奏請改建船山書院片

光緒十一年三月十五日

再

臣本籍衡陽士紳奉前學

臣

朱迥然面諭創建船山書

院於南城外擇師主講已閱一年因院地逼近城市湫隘
囂塵殊不足以安絃誦復由臣捐貲改建於湘水中之東
洲查船山爲前明遺臣王夫之隱居地在衡陽蒸水左岸
夫之爲崇禎十五年舉人逢亂未赴會試明年流寇張獻
忠陷衡州迫脅士類從亂不降者投之湘江夫之走匿南
嶽賊執其父朝聘爲質以索之夫之因自刺兩臂作重創
昇往易父賊乃俱免之順治三年明桂藩子永明王由榔
稱號肇慶其大學士瞿式耜疏薦夫之於桂王授行人司
行人屢疏劾王化澄等幾蹈不測康熙十八年吳三桂僭

號於衡覓夫之作勸進表夫之潛逃去後乃隱居石船山築土室著書其中學者稱船山先生

聖清大定巡撫鄭端聞夫之會拒僞命又爲我

朝貞士屬郡守餽粟帛請見夫之受粟返帛辭不見年七十四卒所著書四百餘卷其論學以漢儒爲門戶以宋五子爲堂奧尤神契張載之說作正蒙釋義與所著思問錄內外篇互相發明論者謂我

朝鉅儒輩出或攻良知捷獲之說或辨易圖之鑿或詳攷名物訓詁音韻正詩集傳之疏或修補三禮時音之儀號爲卓絕而夫之皆已發之於前與後賢若合符契不愧命世獨立之君子臣案夫之當時海內碩儒北有孫奇逢西

有李中孚東南則黃宗羲顧炎武雖皆肥遯自甘力辭徵
辟然薦紳多從之游著述亦行於世名稱稍彰獨夫之匿
跡銷聲不欲身隱而文著故世亦罕知之者沒後十四年
督學潘宗洛稍訪求其遺書洎乾隆中

四庫館開而夫之所著易詩書春秋諸經裨疏始備著錄
聖朝闡幽崇賢復列夫之儒林傳於是天下始知其名茲
學臣朱迨然既創立書院期講明夫之學兩江督臣曾

國荃復將家藏所刻船山遺書三百二十二卷板片捐置
書院又捐助膏塿銀兩嘉惠來學臣與夫之生同里開親
讀其書私淑其人敢不勉竭棉薄力任重建書院之舉惟
是該書院係集衡永郴桂府州所屬舉貢生監肄業其中

則凡延聘師儒甄別生徒整飭院規給發膏獎皆應歸衡
州分巡道主持其事其肄業生先由巡道札飭各府縣及
各學公同詳慎舉報出具切實考語送道應試每年期定
二月初旬由道甄別一次復覆試以定錄取課分超特一
三等限定額無多載在章程內俟經費稍足再行推廣至
書院掌教山長應聘何人不以借才異地爲嫌及外省籍
貫皆可惟擇學問名望素優者由本籍士紳商請巡道關
聘仍由巡道轉達學政不得徇私由人濫薦亦不得掌教
不到院致送乾脩以昭慎重而節虛糜當此海氛不靖異
教厯雜補救之術惟在扶植人才出膺艱鉅而人才之賢
否端賴學校之陶成臣以諸生遭際

聖明忝竊踰分無濟時艱所望一二三豪傑景仰鄉賢乘時奮勉養其正氣儲爲通才是臣區區之私心所竊願者可否仰懇

天恩飭湖南撫臣學臣札行衡永道實力將船山書院一切應辦事宜妥速議定舉行實於

皇上興學育才之道不無裨益其南城書院舊址改作船山祠宇祀夫之粟主其中可否請

旨飭有司春秋致祭俾士民有所觀感而昭激勸之處出自

逾格恩施除將所擬船山書院章程咨部存案外所有微改建船山書院及明遺臣王夫之事蹟緣由理合附片

具陳再船山書院延師獎士動用經費由衡永郴桂士紳
捐集書院則由臣買地改建業已告成未支公款應請
恩免造冊報部合併聲明伏乞

皇太后

皇上聖鑒謹

奏

凡例

一公舊有年譜係儀徵劉毓崧編其間詳畧互見望漏訛舛如己丑二月服闋辛卯僑寓祁陽丙申暫往興甯之類未爲完本是編全據公集及家譜等書裒輯而成逐條引注倍期詳審不厭複煩非欲突過前賢實冀傳信後學

一公既爲前明遺臣又爲

國朝貞士故析桂王未執以前爲前編桂王既執以後爲後編

一公宦事明藩桂王義不再仕是編於順治紀年以桂王尙存皆冠

國朝二字既連注桂王年號復逐年詳紀所在以明公戀戀舊君故國之心迨桂王被執公入

國朝僅一冠於康熙元年以後悉仿綱目體例並將萬曆天啟崇禎逐年紀元書號以志區別

一紀桂王事蹟全遵

御批通鑑輯覽故與永曆實錄多有不符其有輯覽未載者仍依永曆實錄

一原犯

國朝

廟諱之字遵用恭代並加口以資質識

一公書常作嘗由作繇原避明諱引用處皆仍其舊惟

草堂公書作艸堂家譜作草堂則從家譜

一公著述未注年月與事迹稍涉疑似者概不編入

一公平生戚友其年輩較長及相若者皆稱某公某某其受業弟子則稱某先生某某有名者稱名佚名則稱字

一逐年所作詩雖經按時引注年終仍錄全題以備查考

家譜世系表

謹按王氏系出太原本姬姓之後周靈王之子世所稱王

子晉者得道於緱山子孫因以王爲氏至離次子威而

分

瑯琊太原遂爲兩郡實一祖也

至雁門太守昶而著船山公薑齋文

集章靈賦云居調軫以理誓兮連權兆而哲夢自注云

故必稱引初始述祖考之肇啟者以開其蒙昧王之得

姓自太原世系綿衍又黃書自序云太原之系世胄綿

也吾宗自元至正以前失譜不詳其可徵攷者元末有

居江南揚州高郵州之打魚村者明太祖起兵渡江以

從龍功授千戶稱驍騎公斷爲始祖至船山公十一世

故虎止公行述稱十一世祖云云始以武勛繼以文德

式是先型藐予小子敬述其崖畧如左

始祖驍騎公

諱

仲一

江南高郵州人明洪武間以從渡

江功官山東青州左衛正千戶

先世居高郵之打魚村元至正以前失譜不詳

斷自十一世祖驍騎公爲始公兄弟或云九人或云七人羣雄逐元公仲三弟亦起義兵會馬或歿於軍中惟公及弟仲二公仲三公從明太祖渡江公以功授山東青州左衛正千戶仲二仲三兩公各累功襲長沙衛州二衛指揮正千戶仲二皇濠泗公從揚州之高郵起兵應之土自注云太祖始起濠泗公從揚州之高郵起兵應之

湘濱驍騎雲初到爾身又示姪孫生蕃詩吾家自雜揚來此十三世又蓋齋文集耐園家訓跋云吾家自驍騎公從邢上來宅於衡十四世矣又公己酉哭塲孫用羅文毅公慰彭敷五喪子韻云邢江枝葉無多望又虎止公感懷詩云吾宗發邢江奮武助最昭皆述高郵舊籍也

遷衡始祖昭武將軍上都尉公

諱

成

襲世職永樂間以

從南下功升衡州衛指揮僉事晉同知世襲始遷於衡

陽都尉公從明成祖南下以翼戴功最升衡州衛指揮

僉事晉同知家世節錄及虎止公行述並詳及之

公章靈賦云靖協勞於滄池兮采赤麓以剖戶自注迨

成祖靖難又協贊成勞於滄沱河故剖萬戶之封食采

赤帝之麓儒林傳稿云公衡陽人今改正配朱淑人

注云提要誤刊以爲漢陽人今改正配朱淑人

第二世嗣都尉公諱全襲世職配崔淑人

第三世嗣都尉公諱能襲世職以上皆終於官咸能以忠勤世

其令配劉淑人生子二長輕

第四世昭勇將軍上輕車都尉公諱綱襲世職以功晉

驃騎將軍上護軍遷江西都指揮僉事掌衛事初從都

公金以平郴韶賊爲中路總統拔賊砦蕩平之以功晉

驃騎將軍上護軍詳皇明世法錄累官江西都指揮僉

事時與太守古公偕見直指使古公自司馬郎出守郡

執舊屬與公爭西上公據祖制折之曳落其胥直指使

以爲直會同里劉黃公講於廷修南嶺廟都推公能撤
入川探木歸督造廟巋然帝制崇麗爲五嶽之冠所費
不遇五千金而已事具商文毅碑記官江西時與藩臬
會藩使欲以文墨相難連綴韻語公應口和之如夙謨
皆歛配崔夫人

第五世祖驃騎將軍上護軍公 震 襲世職累官鎮守

柳慶參將 護軍公字東齋掌衛事戎兵克詰尤篤志經
旨雲增倡和見定山集中 始輕車公所與抗太守者
擢大司馬護軍公以舍人襲職過司馬門下司馬愴然
改容歎曰汝父風采今日若在目中虎父不生豚兒
好爲之無憂不夫用護軍公泣伏再拜而退家世節錄
云司馬體國用人爭而不伎天下何得不戾然願非輕
車公之大節實有以厥君子之心者亦無以得此驃騎
公累官三品家無餘貲柳慶居百蠻之衝懷柔震疊小
侵不叛其承堂構而報元老之知亦有所自來也累功
遷昭武將軍上輕車都尉歷柳慶參將恩綬威鎮嶠元
巒戢服家世以武功顯束修文教則自護軍功始也元
配常恭人 文學已乃拜世秩累官都指揮使上輕車都

尉次室鄭太君即一山公母也

公高祖處士公

諱甯

以文墨教子弟起家儒配趙太君

曾祖掌故公

諱雍

處士公號靜峯隆慶四年鄉貢初授武岡

州學訓遷江西南城縣學諭明時凡應貢者每以獵

得相競掌故公屆儀滿請讓於所授業編學使義而許

之以是遲之問歲始應貢家世弁組頗務豪盛掌故公

祖少峯公

諱惟敬

峯公再次太素公諱惟炳補郡文學

不怒其敦長者行類如此配毛孺人

家世節錄云少峯公之始生也掌故公夢有奇徵故小

字曰夢公姿貌奇偉長六尺鬚髭疎秀瞳光透出十步

伉爽尚大節飲酒至一石不亂歲時衣大褶戴平定帽

坐起中句矩或勸公曰君閱胃子郎君又以儒名家

盍儒服乎輒笑不應掌故公之卒以賞讓太素公隨散

口不道一里巷語遇人有不可者面斥無背言而婦

指作聲則室如無人焉者課子每秉鑑對酒真筆研座
隔令著文藝恒中夜不輟牧石公偶戲簪一花驚見之
作色曰此豈吾子弟耶故徵君公兄弟終身不有華靡
之飾徵君公年既而立聲望已著每小失意猶長踞踰
時以痛自謝過乃已或時爲勞勉焉年元配馮太孺人
五十三蚤卒李大中丞燾爲表其墓
無所繼配范太孺人翼公皆郡文學徵君公次牧石公次子
出蔚仲性篤孝少時小有過失少峯公責譴門外永夕下
鑪時當除夕風雪淒迷徵君公私從隙道掖令歸寢牧
石公引咎自責必遵庭命翌日元旦且少峯公方啟門焚
香牧石公怡顏長跼少峯公且喜且泣稱其允爲道器
晚年雅意林泉逍遙於下溪觀田孤山種梅之下築叟
塗居構小亭題曰濠上浚小池蒔雜花其側釀秫種蔬
供歲時之薦少吟咏晚而益工惟不喜公安竟陵體生
玉之邑文學以繼絕襲衡州衛指揮同知劍之早卒子
翼公儒而俠不屑家人生業裘馬壯
遊教友睦事徵君公如嚴公生珍之

父徵君公

諱

朝聘

萬歷乙卯辛酉兩中副榜

字逸生

少

師事邑大儒伍學父先生定相先生投徒殆百人徵君

公爲領哀雖辱極羣籍制義而究極天性物理斟酌古

師事邑大儒伍學父先生定相先生投徒殆百人徵君
公爲領哀雖辱極羣籍制義而究極天性物理斟酌古

今務發抒心得之實已遊鄒泗山之門承東廓之傳以
真知實踐爲學謂武夷先生孝友天植無間於族師之揚
書室學者稱武夷先生孝友天植無間於族師之揚
少峯公嚴威一笑不假小不愜意則長跼終日顏不養
不取起每燒燭獨酌令隔坐不取筆作文字中夜聽警
怠色晨昏問起居凝立戶外不敢踰柵限傾耳聽警
平善愉色躡足而退立以爲恒少峯公中環繞悲號處生
剛果厭人响雖自不知而起而欲以環繞悲號處生
死屏人獸坐既不獲侍左右則壁間私候瘡骨立成
發聲及卒抱持捨地勺水不入口者三日毀瘠承涕唾
羸疾迄耆耄不瘳後奉睡孟遜血而泣者數年少峯公
十年如一日永訣後奉睡孟遜血而泣者數年少峯公
素不屑治家人產及大故囊不名一錢徵君獨力經營
至哀所感諸具較合蜀材吳綿徒衡山病革報者至薄
悔范孺人之歿也徵君公方授徒衡山病革報者至薄
暮借一馬馳歸素清羸不閉控馭所借馬抑驚鈍且哭
且馳馬忽驚迅追風三鼓已抵家迨及屬穢盡力以營
大事一如少峯公稱貸既廣竭力以償凡十年未嘗一
飽食一煖衣也歲時張遺像設几筵日侍左右依依如
孺子或有詔語於子孫僮僕皆下氣怡聲及薦酒脯
盈於睫每捧埽坐兆必涕下霑衣四十年如一日與兄
弟白首歡笑如童時或遇嘖事相對則笑語如常脫然

忘所憂戚一鵬一詠評古拔今諧適送難不傷於蝶至
於衣無私主財無私藏初以爲適然未嘗留易和以誠
平發光駁處不立崖岸衣冠一如時制言動易和以誠
意爲省密用以克己爲致力工夫閒居斗室閉目端
坐寂然竟日不聞音響憂患杳至眸容不改不怒不叱
大喜不啟齒而笑所受於學父先生藏書萬餘卷居恒
戎罔不貫洽而未嘗一語及之先生藏書萬餘卷居恒
謂徵君公此中郎所以遺仲宣者行歸之子後先生狎
得熱疾慙急不能語發君公躬煥藥食先生日語之如
將有所授者輒俛首不食歸而歎曰吾甯負師治命不
能受仲宣之託也雅不與佛老人遊曾共釋憇山德清
辯率性之旨清爲挫屈終身未嘗向佛老像前一揖甲
申之變冠退遺醜滿野募僧拾而塗之並使修懺摩法
願謂船山公兄弟日此自王政掩醜器之一事願不以
命之僧吾懼僕情之狼籍也已屬之矣勿謂我佞佛而或
而廢其事此亦神道設教之意故曹勿謂我佞佛而或
效之早受知於邑令胡公以國士相期會學使意有所
賺於邑故抑之以示意繼新安王公宗本令衡復深相
知凡兩最童子科乃補郡文學及門達者譚孝廉允都
歐陽解首瑾新建令貴陽馬經元之駟晚年謝病歸里
以中樞爲窮谷長吏聞風請見皆稱疾謝絕親知後輩
非以業學進不得望見顏色如郭季林鳳隱夏叔直汝

獨何璋孫一琦皆所鑒別俱爲名孝廉恒謂處人己之
間當令有餘親如子弟賤如奴僕且不可一往求盡况
其他乎其篤前母綦孺人甯遠教誨綦公文佳女生子
行類如此
午歲母譚孺人處士譚公念樂諱時章女公性溫和教
卒生子三長允阜季允琳皆邑文學中子允都中二天啟
甲子鄉試乙丑上春官以文句犯權奄置乙第女二長
卽譚孺人次適文學伍公季咸遇亂不屈死之譚孺人
年十九來歸以少峯公之服願於孺人存日起恒不待曉
之曰此孝婦也少峯公暨范孺人存日敢使刀砧之聲
夜則闔坐徹丙夜茗漿酒果以進者不取使刀砧之聲
聞於外與婢語必垢耳噤嚙雖甚喜笑不見齒也少峯
公晝出暮入則滌器移案都不復作與仲婢吳太恭人
相得如骨肉白首無間言季母晚得奇疾性稍亂孺人
一往問之則流涕竟日其卒也一慟幾絕每遇綦孺人
生忌躬設香茗捧薦事綦掌故公如父綦太母如母向
卒年五十猶爲慘然變容家承嚴政內外肅栗者九代
自孺人易之以和愷遇諸新婦譚笑拊摩終歲不一覺
其眉卽有過失不加呵譴徐俟其悔悟而後微戒焉願
恒歎曰吾性不欲以嚴待人流及其後將有不率而反
唇者乎雖然佳兒女豈須人訶責不肖者操之益橫出

矣人曰趙下初非吾作法之涼也年七十四石崖船山
 兩公同舉外王母歐陽太君年八十有四生元素先生炳舉於鄉
 於鄉歐陽太君所生母年九十有九生元素先生炳舉於鄉官
 官郡丞楊太君所生母年九十有九生元素先生炳舉於鄉官
 州刺史凡四世畧相等咸里以爲盛談 薑齋文集譚
 太孺人行述云但聞其事少峯公者三年酷寒不熾火
 畏煙之出牖辨也盛暑不撲蠹畏簞聲之遙聞也滌器
 不敢激水引濡巾而拭之貓犬擾不敢迫逐擁袂而造
 之每一語及變夔悚立及述范太孺人疾痛傾逝則淚
 承於睫不異初喪叔母吳太孺人長二歲周旋四十年
 歡如一日迨既分居經旬不相見則皇皇問訊不絕每
 圍爐共語啣啣如兩新婦季父子翼翁蚤未有子置側
 室或頗輕之孺人待如妯娌日令叔氏有子卽貴矣前
 母外祖父某公罷教歸里無子先孺人承事敦篤不異
 所生蔡公垂沒待之而暝先叔祖太孺人承事諸生落拓
 且無應嗣叔祖母朱井白不給太孺人迎養敬事怡然
 終老益推事父母者以事某公推事舅姑者以事太孺
 翁誠至而禮洽亦不自知其厚也 又云少峯公英卓
 不事家人生產徒四壁立先君子勤素業乃薄田僅給
 館粥而慎終之厚倍於素封稱貸緡猥卒皆酬饋太孺
 人銷舊珥斥衣襪固不待言抑數米指薪甘荼如飴以
 成先君子之孝若不孝兄弟所得見者先君十年燕趙

聚子婦構堂室終不孝讀書之業且河澗宗燭無乾離
之失類出於撈節則心專力竭愈可知矣又云姑母
適范氏早寡守志孀居鞠其子女恩逾己生爲單婚嫁
從兄玉之年四十乘諸生冠帶入省猶手酒漿相勞苦
如撫兄弟三人長兄介之字石子一字石崖號耐園學
者稱耐園先生又號鏗齋崇禎壬午同榜舉人年八十
一卒私謚貞獻性至孝獻賊陷衡州匿南嶽黑沙潭將
自盡賊執其父以購己乃與船山公百
計營脫自後隱窮山次兄參之字立三一字叔稽號磴
四十餘年以壽終
齋宏光恩選貢生先徵君公三月卒性至孝母病不能
寐公跪榻下手承
目眇率至夜分又患心疾宛轉撫摩數年不懈癸未賊
陷衡州公走匿山中不就僞試僞吏呈不願者以公爲
首幾不測會賊去乃免歲饑侍親避亂南鄉時米貴道
梗合家數百指日行二薄粥公持粥泣曰此豈老人食
耶勸父飯不許因絕勺水竟日公其季也石崖公配歐
父感之爲一加餐其篤性如此

陽孺人思恩府同知諱炳女孫歲貢生諱珠女子一敵

字膾原邑文學女一適文學蕭鳴南子式礪齋公娶蔣

太君文學大操公女子二長教甲午避兵爲遊騎所戕

次致蚤逝膾原公原娶鄒太君生子一諱生祁繼娶李

太君舉人李公孟韶孫文學維翰公女生子一諱生郊

生祁公娶文學杜公煖女生子二長諱綿次諱續

公諱夫之字而農號薑齋一號賣薑翁莊子通教一名壺庚戌硯銘

蘇太君孝齋說注一號一瓠道人癸卯遺興詩記或一瓠先生

唐須竹躬園說乙巳和梅花百詠或瓠道人庚戌雁字詩附題雁絕

附和七絕第三首或瓠道人句注愚鼓歌附十二時歌

注一號雙髻外史孝烈傳或檣杪外史春秋家說世論稗疏承歷實錄諸稿

本晚居府治西百二十里石船山稱船山老人庚午夕堂承日

緒論

或船山老農

壬戌說文廣義發例

或船山遺老

壬戌

船山

病叟

己巳黃書序
識小錄

學者稱船山先生又稱夕堂先生

述行

先船山公年譜前編

八世從孫之春輯

明萬曆四十七年己未 公一歲

九月初一日子時生於衡州府城南回鴈峯王衙坪時
武夷公年五十譚太孺人年四十有三

明萬曆四十八年庚申 公二歲

八月光宗卽位詔以明年爲泰昌元年九月熹宗卽位
詔以是年七月以前爲萬曆四十八年八月以後爲泰
昌元年

十二月初一日大凌武夷公五十齒滿孟孟凝返

七十自定稿庚申臘月一日寒雪有作注是日爲先

徵君孤辰聞之先慈云泰昌庚申大凍孟孟疑互

明天啟元年辛酉 公三歲

武夷公中副榜

武夷公以副榜赴武昌省應鄉試正考官翰林院繆公昌期副考官兵科給事中朱童蒙首題士不可以不宏毅次題尊賢則不惑三題天下大悅書曰丕顯哉文王謨丕承哉武王烈佑啟我後人咸以正無缺同考胡公允恭首薦繆公昌期已取中正額定錄名次朱以策有童蒙字犯其名抑置副額熹宗以登極恩予副榜貢太學武夷公曰余分在此且筮一命或得報政而邀王言以補祿養之不逮也遂應貢北上

入國子監

蘊齋文集家世節錄先君以乙卯辛酉兩副秋榜分考胡公允恭首薦太史西溪繆公昌期業定錄名次以對策中犯副考朱黃門童蒙名黃門不憚置乙第是年熹宗登極以恩予副第者貢太學先君年已五袞倦于文場歎曰余分在此且筮一命或得報政而邀王言以補祿養之不逮也遂應貢入辟廡

石崖公入學年十有六

蘊齋文集石崖先生傳畧兄爲學篤敏十六補弟子員

明天啟二年壬戌 公四歲

武夷公在京師公與礪齋公同入塾從石崖公受讀

石崖先生傳畧仲兄稍長同席受讀而仲兄病幾瘳
兄調護扶掖齧指以授針艾仲兄賴以愈而卒以文
章名南楚無一非兄曲意怡聲疊疊講說以成之者
若夫之狂嫉無度而槩括弛弓閑勒逸馬夏楚無虛
時面命無虛日者又不待言

明天啟三年癸亥 公五歲

武夷公在京師公從石崖公受讀

明天啟四年甲子 公六歲

武夷公在京師公從石崖公受讀石崖公迎歐陽孺人
來歸

明天啟五年乙丑 公七歲

武夷公在京師公從石崖公受讀畢十三經

龍源夜話序七歲而畢十三經

武夷公歷滿應部選

明制舉人貢生入監者祭酒奉監規而訓課之有升堂積分超格敘用之法三年考滿以推官知縣學官分選

家世節錄歷滿應部銓時選政大壞官以賄定授正八品

明天啟六年丙寅 公八歲

肄業家塾

武夷公歸自京師

家世節錄先君素矜風規及是相知聞者謂必罷選
不就先君笑曰積薪何常之有我應此小用者何意
無亦聊與優游而以倖倖去哉初仲父聞之亦爲扼
腕先君自都門歸欣然盡遣諸胸中仲父歎曰吾兄
所謂賢者不測也 薑齋文集譚太孺人行狀先君
子十年燕趙初自辛酉至丙寅凡六年
再自戊辰至辛未凡四年 牧石公武

夷公仲弟名廷聘字蔚仲郡文學生

磴齋公入學十二月牧石公長子玉之公生子子偉

玉之公字斯侯號果齋邑文庠生繼絕襲衡州衛指
揮同知蔭萬戶侯 子偉公字遴倩邑文庠生

明天啟七年丁卯 公九歲

武夷公家居公稟承庭訓夏石崖公磴齋公同赴武昌
省應鄉試九月落解歸磴齋公迎蔣孺人來歸

明崇禎元年戊辰 公十歲

春正月從武夷公受經義自是閱經義至數萬首

經義序忽念身本經生十歲受之父 夕堂永日緒
論余自束髮受業經義閱經義亦數萬首

武夷公赴京師謁選

時同邑前太常寺卿陳公宗契零陵前吏部郎中蔣
公向榮欲爲武夷公地皆笑而謝之同邑雲南參政
陳公種典因寓書于京師達官武夷公中途發械有

先容語遂不爲致 家世節錄方謁選時同邑太常
卿陳公契零陵銓司蔣公向榮深相引重欲爲先君
地皆笑而謝之大參陳公禮典會先君因致書長安
達者先君受之中塗發械有先容語遂不復致

按陳宗契字景先萬曆辛丑進士官太常寺卿魏忠
賢擅政諷使附己遂乞歸 蔣向榮字淡心萬曆己
未進士官吏部郎中見魏忠賢擅政乞疾歸 陳樾

典字希虞萬曆丙辰進士

明崇禎二年己巳 公十一歲

武夷公在京師磴齋公子救生 救公字孝稷

石崖公應提學試列一等

明崇禎三年庚午 公十二歲

武夷公在京師

薑齋文集石崖先生傳略云嘗記庚午除夕侍先妣拜影堂後獨行步廊下悲吟長安一片月之詩宛轉歔歔流涕被面不知所謂及後思之孺慕之情同於思婦當其必發有不自知者存

八月二十日姪啟生 啟公字膺原

薑齋文集文學膺原氏墓誌銘云膺原氏名啟貞獻先生冢嗣於余爲從子生以崇禎庚午八月二十日公與石崖公磴齋公時以文字與友人相往還

家世節錄云崇禎初文士類以文社相標榜夫之兄

弟亦稍與聲氣中人往還先君知之輒蹙眉經日

明崇禎四年辛未 公十三歲

武夷公歸自京師

家世節錄已謁選會烏程當國操切以希上旨其姻家唐元弼者乾沒副貢籍求府判所部劾罷之烏程怒爲罷銓郎新銓郎會烏程意旨苛按辛酉副貢移儀曹索故紙束溼甚暗索賄焉先君曰是尙可吏也乎吾以求一命爲先人故俛折至此若出賊吏胯下以重辱先人是必不可詣儀曹辭罷大儀慈谿馮公起龍笑謝先君曰觀生氣故不可折者吾爲選君必旦夕爲除遣何有長者而作少年拂衣意氣乎先君

正色長揖而對曰無所辱公嘉惠某有田可耕有子可教終不敢欺天以暮夜金博一官碎假帖而退夜買驢出春明門遂歸又營道駱都督思恭掌金吾事監修國史史成例薦纂修者晉所考秩子速選以同鄉故咨先君于部先君亦笑受其咨既終不以赴部亦不以返于駱留笥中抵家乃焚之

明崇禎五年壬申 公十四歲

武夷公家居與仲弟牧石公季弟子翼公講學論文蒔藥灌畦以爲樂除羣從子弟洎門人皆拒不見

家世節錄先君蒔藥灌畦若未踏長安塵者家居十七載不一至郡邑庭亦不通雜賓客非兩叔父外諸

從洎門人問字往來都絕長吏到門以疾卻刺 子
翼公名家聘郡文學生

湖廣提學僉事王公志堅科試衡郡公入衡陽縣學
行述年十四督學王聞修先生志堅拔入學 王志

堅字聞修號弱生崑山人萬曆進士

石崖公試列一等尋食廩餼

石崖先生傳略餼於庠者八年

明崇禎六年癸酉 公十五歲

夏從石崖公磬齋公赴武昌省應鄉試

正考官錢謙益副考官張第元首題君子思不出其
位次題修道之謂教三題堯舜之知而不徧物急先

務也

子翼公子珍之生 珍之公字時若行七

明崇禎七年甲戌 公十六歲

始從里中和四聲者問韻學韻語閱古今人所作詩不下萬首

述病枕憶得余年十六始從里中和四聲者問韻

夕堂永日緒論序十六而學韻語閱古今人所作詩不下十萬

湖廣提學僉事水公佳

允

家譜行述作佳應
湖南通志作佳應

歲試衡郡

列公一等第一名

行述甯波水向若先生佳**允**崑山王澄川先生永祚

皆鑒識首拔

礮齋公次子致生

明崇禎八年乙亥 公十七歲

詩有中秋望月人張燈和牧石先生七律一首 憶得詩

明崇禎九年丙子 公十八歲

春湖廣提學僉事水公佳允科試衡郡列公一等夏從石崖公礮齋公赴武昌省應鄉試

正考官吳偉業副考官宋致首題煥乎其有文章次題天之所覆地之所載三題易其田疇薄其稅斂民可使富也

礮齋公次子致殤

詩有蕩婦高樓月五古一首黃鶴磯五律一首

憶得詩

明崇禎十年丁丑 公十九歲

春迎同邑處士萬梧公女陶孺人來歸

憶得詩有初婚牧石先生示詩有日成博議幾千行之句敬和詩 家世節錄先君文詞夫之獲見者贈處士陶公萬梧文注夫之妻父 劉明遇譔陶孺人墓誌銘陶孺人產衡陽千畝侯貲累鉅萬作合於青燈布縷之孝廉而不挾富以驕其夫家

夏從牧石公讀史曳塗居

憶得詩有夏日讀史曳塗居聞松聲懷夏叔直先生詩 家世節錄仲父和易而方介恬于榮利博識工

行楷書古詩晚築室桐外號曳塗居蒔花植藥怡然
忘物每謂漆園吏東皋先生去人不遠

牧石公孫敏生 玉之公五子字幼重號卓楓行八

詩有初婚牧石先生示詩有日成博議幾千行之句敬
和七絕一首夏日讀史曳塗居聞松聲懷夏叔直先生

一首 憶得詩

家世節錄如郭季林鳳雛夏叔直汝弼何偉孫一琦
皆所鑒別俱爲名孝廉 分體稿廣哀詩十九首有
夏孝廉汝弼一首 衡陽縣志夏汝弼字叔直崇禎
壬午舉人性倜儻負氣與王夫之兄弟善流寇陷衡
州汝弼居蓮花峰夫之依以避亂明亡遂棄巾服自

號蓮冠道人歌哭無恆有語及時事者輒閉目不答
問其姓名亦弗告也獨攜一童子囊琴登邵陽梓田
山就古木鳴泉間踞石彈琴或泣或吟又嘗登車駕
山觀瀑布旁皇數日不返返則仍居山樓自炊而食
山下有蕭常慶者知其非常人要之家中畱月餘復
去後入九疑山餓死

明崇禎十一年戊寅 公二十歲

始與同人爲文酒之會

鼓棹初集詠蓮子水龍吟第三闕注余旣作蓮子詞
二闕寢有投素札者披覽之云公不棄予小子補爲
酬詞良厚乃我本無愁而以公之愁爲我愁屈左徒

之愉東皇雲中不爾也且公所咏者荻絮蓼花金風
玉露皆余少年事假以公弱冠時文酒輕狂今日爲
公道公其能不賴見於色乎

明崇禎十二年己卯 公二十一歲

從石崖公磴齋公赴武昌省應鄉試

時公與黃岡熊公柔李公以默會文課議不犯一時
下圓熟語復不生入古人字句取精煉液以靜光達
微言 夕堂永日緒論外編因憶昔與黃岡熊渭公
柔李雲田以默作一種文字不犯一時下圓熟語復
不生入古人字句取精煉液以靜光達微言所業未
竟而天傾文喪死生契闊念及祇爲悲哽 熊柔明

史忠義傳作熊雷字渭公黃岡人移居武昌喜邵子
皇極書頗言未來事十六年元旦盡以所撰性理格
言圖書懸象大易象諸書付其季弟曰善藏之城破
前一日貽書友人馮雲路曰明日當覓我某樹下及
期行樹旁賊追至躍入荷池以死李以默感舊集
傳作以篤字雲田湖廣漢陽人別自號老蕩子徐

電發續本事詩雲田才高淪落龔芝麓爲賦老蕩子

行吳梅村集有蕩子失意行贈李雲田

案南窗漫記王午鄉

試渭公以禪制不預踰年遂行流寇之難雲田以淪落不偶故以會文爲是年事

秋石崖公中副榜公偕歸至城陵磯遇風

正考官邵失名副考官章正宸首題爲臣不易次題

中立而不倚三題

佚

南窗漫記己卯自鄂歸至城陵磯風厲檣折幸得登陸步至磯上走岳陽憩岳侯祠見王澄川先生永祚題柱云爲臣死忠爲子死孝大丈夫當如此矣南人歸南北人歸北小朝廷豈求活耶

十月與郭公鳳躔管公嗣裘文公之勇初集匡社

匡社初集呈郭季林管冶仲文小勇詩有良宵霜月好之句 郭鳳躔湖廣通志字季陵衡陽人崇禎壬午鄉舉明亡隱石倦嶺構藥闌竹塢日吟咏其中以自娛 管嗣裘字冶仲崇禎壬午舉人張獻忠陷衡州匿安仁山中賊執其兄嗣箕索之佯以死報獲免

尋從桂王於桂林爲中書舍人桂林陷走靈谿洞冬
夏一敗絮墜土而食與西安劉湘客仁和金堡廣平
成昌時輩相倡和李定國入桂林嗣裴說定國貳於
孫可望迎主自效定國不能用遂去轉入永安州不
知所終禾**歷**實錄有傳 文之勇字小勇崇禎貢生
詩有匡社初集呈郭季林管治仲文小勇五律一首劉
子參計偕北上便寄奚中雪五律一首

憶得詩

劉子參名惟贊祁陽人崇禎己卯舉人縣志獻賊陷
湖南聞其名購之急惟贊率鄉勇扼險自固賊不敢
犯國變後隱祁邵之交築白雲菴以居禾**歷**實錄嚴
起恒傳禾**歷**三年楚師敗於湘潭何騰蛟被害楚兵

四十餘萬失主洶洶惟贊徒步詣肇慶上疏大旨言
宜出起恒督兵不果用湖南復陷

明崇禎十三年庚辰 公二十二歲

春二月石崖公應詔北上入國子監

石崖先生傳畧己卯以乙榜詔入北靡 送伯兄赴

北靡詩有二月暄氣新及珍重清湘流之句

石崖公既入監以武夷公暨譚太孺人年老無日不垂
思親之淚請告歸不許遂不復請而歸

石崖先生傳畧時以六曹策士雋者獲美除同舍皆
氣矜競獵兄以父母老請告歸未允諸同舍以旦夕
釋褐相留兄尤憎其躁競曰吾安能一日與奔鶩者

伍遂拂衣不請而歸猶憶鄉前輩歐陽正暘翁自北
歸持家兄報夫之往領焉歐陽翁曰伯兄無日不垂
思親之淚吾誘之以奕至三兩局則淚滴野中矣

詩有送伯兄赴北靡五古一首月下步春溪樾徑抵金
錢沖訪季林因與小飲七絕一首

憶得詩

明崇禎十四年辛巳 公二十三歲

春構漈濤園種竹雜植花卉

憶得詩有乾濤園初構種竹環小軒雜植花卉盛夏
遂已成陰詩

湖廣提學僉事高公世泰歲試衡郡列公一等文評有
云忠肝義膽情見乎辭 高世泰字彙旃江南無錫人

詩有澆濤園初構種竹環小軒雜植花卉盛夏遂已成
陰道然有作五律一首 憶得詩

明崇禎十五年壬午 公二十四歲

湖廣提學僉事高公世泰科試衡郡列公一等刑部郎
中蔡公鳳巡按湖南刑獄徵會文課公蒙特獎期於武
昌省城相見

上蔡威甬先生詩注先生諱鳳以比部郎欽恤楚刑
徵文課枉見特獎期於鄂城相待

夏四月公長子勿藥生公從石崖公磬齋公赴武昌省
應鄉試秋七月與黃岡王公源曾熊公秉大會同人於
黃鶴樓與者百餘人拈韻賦詩

南窗漫記壬午初秋黃岡王又沂源曾熊渭公霖會
同人於黃鶴樓與者百餘人各拈韻賦詩

熊公霖序公漣濤園詩

南窗漫記渭公以禪制不與秋試爲余序詩以眉山
淮海爲戒

是科正考官翰林院郭公之祥副考官兵科給事中孫
公承澤首題請益曰無倦次題義者宜也三題其爲人
也好善好善足乎曰好善優於天下同考瀘溪縣學教
諭歐陽公霖閱薦

郭之祥吉水人 孫承澤號退谷崇禎辛未進士

家世節錄夫之舉主歐陽方然霖行述作介 永歷實錄

劉季鑣傳安福歐陽霖字方然初名介以瀘溪教諭
陞北流知縣擢戶科給事中車駕幸肇慶請西出桂
林與杜永和廷爭棄官歸里閉戶食貧不通人事

九月榜出公以春秋第一中式第五名經魁經義錄文
呈覽

行述壬午以春秋魁與伯父石崖先生同登鄉榜

陶孺人墓誌銘王子夫之登湖廣壬午科春秋第一
經義序弱冠有司錄以呈之君

石崖公中式第四十名同榜舉人錄文呈覽

石崖先生傳略壬午舉於鄉錄文呈覽

衡陽夏公汝弼郭公鳳鸞管公嗣裘李公國相包公世

美中式舉人

沅湘耆舊集李國相小傳字敬公號芋巖富平人嘗
應募隨都督劉綽平楊應龍以功赴部下三峽舟覆
負母出巨浪中功牒漂失因浪迹衡湘閒崇禎壬午
以衡籍舉於鄉遂爲衡陽人張賊陷衡徧索薦紳強
以僞職不赴者死芋巖引刀割兩臂示不可用得免
鼎革初自南嶽轉徙山谷歲更其處晚築小室植桃
數株稱桃塢老人箸逸齋贊詞二卷

同考沔陽知州章公曠長沙推官蔡公道憲出闈見公
引爲知己以忠義相砥礪

行述華亭章公曠江門蔡公道憲是科俱爲分考時

國勢漸不可支出場後遂引爲知己互相砥礪章
曠字于野別號莪山華亭人崇禎丁丑進士永歷元
年官至武英殿大學士兵部尚書督師東安卒永歷
實錄有傳 蔡道憲字元白靖江人崇禎十年進士
爲長沙推官張獻忠陷長沙被執大罵不降賊磔之
瘞南郊醴陵坡贈太僕寺卿謚忠烈明史忠義有傳

冬自武昌歸

舟發武昌留懷熊渭公李雲田王又沂朱靜源熊南
吉詩有漫隨南雁望霜函之句

十一月武夷公命石崖公及公同赴公車北上上湖南
道參議金九陞以衡陽富人有劣而梟者法當死屬意

餉公兄弟千金治北裝貸其死公與石崖公拒卻之
家世節錄壬午冬夫之上計偕石崖先生傳略時
觀察全椒金公念吾兄弟甚貧欲爲治北裝已有劣
而梟者法當死公屬意令餉吾兄弟千金活之其人
來懇兄顧問夫之曰何如答曰此固不可兄喜形於
色曰是吾心也或曰千金不死於市豈能必彼不幸
免乎兄又顧夫之微笑夫之曰吾安能必其死但不
自我可耳遂峻拒之

下湘過朱亭取道江西至南昌省城謁舉主歐陽公霖
於劉都督綖祠

有朱亭晴寒寄小勇詩
癸未江行代記詩序余歷

冬春自袁入章江 癸亥得安成劉敕功書知舉主
黃門歐陽公已溘逝三年矣詩注壬午臘初謁公於
南昌劉都督綖祠 劉綖字省吾南昌人祠名表忠
朱亭在湘潭縣治上百八十里

雪儼大舟劉都督綖祠下度歲

南窗漫記云壬午殘臘小艇泊南昌城下寒雪透篷
窗不可忍時張都御史鳳翔方履任自揚州駕大官
舫已登陸舟停水次因儼之度歲窗閒題句云行人
莫上長堤望楓葉蘆花處處愁似是古句墨迹尙新
於時天下方亂事無不可悲者見此令增慘澹鳳翔
以監司賄致節鉞當不知有此語或其幕客則亦有

心人也

按是時李自成已陷河南汝甯開封進陷湖北襄陽
分兵逼荊州張獻忠由潛山安慶進逼蕪水

詩有上蔡威函先生五古一首黃鶴須盟大集用熊渭
公韻五律一首舟發武昌畱懷熊渭公李雲田王又沂
朱靜源熊南吉七律一首銅官五律一首劉杜三馳書
見訊書尾以歌者秋影見屬答之七絕一首壽錫山高
太夫人七律一首朱亭晴寒寄小勇五古一首

憶得詩

銅官戍在長沙府城北六十里 劉杜三名自煜攸
人崇禎丙子舉人沅湘耆舊集載有入閩應召徑衡
夜宿前溪寄故人王而農五律一首 南窗漫記劉

杜三自煜雖早託胎於竟陵而不全墮彼法往往有
深秀之句

明崇禎十六年癸未 公二十五歲

詔改本年會試於八月舉行

正月泊章江

有元旦泊章江用東坡潤州韻詩

歐陽公霖招同劉公曲溟周二丕泊諸同年遊龍沙
寺觀湯義仍手題

有歐陽公招遊龍沙同劉曲溟周二丕泊齊年諸子
寺有湯臨川手題卽用爲起句詩

南窗漫記南昌城北龍沙四圍素沙環擁如銀城雪

島中平敞爲禪室有湯義仍手書門聯云池開沙月
白門對杏榆青數十年矣楮墨未損悠然想見其揮
毫之頃

石崖公與公決計歸養遂繇吉安涉雲陽下泚水歸

石崖先生傳略計偕至南昌楚中亂遂偕夫之歸

行述歐陽先生論以歸養 江行代記詩序至南昌
而返改繇吉涉雲陽下泚水歸

按是年會試改期八月公兄弟以道梗不赴所云楚
中亂蓋是時李自成陷承天今安陸府張獻忠陷蘄水諸

縣也

刻澗濟園詩集

述病枕憶得敘云昔在癸未春滌濤園初刻亡友熊渭公爲之序亂後失其鈔本賴以自免笑悔蓋南昌歸後所刻也

三月張獻忠陷黃州五月陷武昌八月陷岳州長沙十月衡州潰陷桂端王率安仁王永明王走永州賊得武夷公索公及石崖公公勢面傷腕昇示賊因與武夷公俱得脫

衡州陷賊鉤索紳士補僞吏有不順者投之湘水公與石崖公以父母衰不能越疆望門無依舅氏譚公玉卿引公及石崖公草屨莽枝度函口逕岳奔命匍匐匿蓮花峰下草舍中磬齋公匿他所賊索公及石

崖公尤急邏得武夷公勒至郡城故爲輓語誘使致
公兄弟武夷公張目直視終不答賊怒將羈之歎曰
安能以七十老人俯仰求活沐浴更衣就親故告別
將以是夕投纜自盡會前日暮石崖公及公聞家奴
報石崖公欲出脫武夷公徐自沈於湘水公慮石崖
公耿介嚴厲出且與武夷公俱被害適公故文字交
黃岡奚君鼎鉉陷賊中許以計脫武夷公及公石崖
公乃匿且藏繩衣內備不測公遂斃面刺腕僞爲傷
狀傅以毒藥昇至郡城以石崖公已死告武夷公既
免公守候徹夜亦遁匿黑沙潭作九礪 家世節錄
癸未張獻忠陷衡州鉤索諸人士下令如猛火購捕

伯兄以及夫之固甚急急者也 石崖先生傳略獻
忠陷衡州索紳士補僞吏吾兄弟以父母衰不能越
疆望門無依賴舅氏譚翁玉卿引匿南岳蓮花峰下
賊購索益急匍伏草舍中 又 會日暮家奴遽報先君
子爲邏者所得兄聞之欲出脫先君子而沈湘以死
夫之知兄耿介嚴厲出且與先子俱碎夫之所舊與
爲文字交者黃岡奚鼎鉉陷賊中知吾兄弟必不可
辱曲意相脫夫之乃笏面刺腕僞傷以出而匿兄以
死告先君子乃免夫之亦宵遁當夫之出時兄藏繩
衣內待夫之信卽自盡 蓮峰志總序癸未十月子
自郡西八十里逢寇鉤索草屨莽枝奔命於峰之下

又從函口發者以次上八十里 霜度函口詩注岳
逕 行述張獻忠陷武昌遞陷衡州紳士多反面納
款其不降者賊投之湘水亡考匿南嶽雙髻峰祖爲
僞吏所得挾質以召伯父與亡考祖迫欲自裁亡考
哀窘匿伯父自刺身作重創傅以毒藥昇至賊所不
能屈得免於難返復嶽峰 九礪序賊購索甚急瀕
死者屢矣得脫匿黑沙潭畔作九礪九章 湖南通
志王參之朝聘仲子癸未流寇陷衡州參之走匿山
中不就僞試僞吏呈不順者以爲首幾不測會賊去
乃免 蓮花峰在衡山縣崇岳鄉一名雙髻峰 黑
沙潭在蓮花峰下

張獻忠陷永州桂端王率安仁王走廣西永明王陷賊
武昌都督左良玉遣兵戍岳州張獻忠東下敗於岳州
西去入四川十二月征蠻將軍楊國威復永州督師呂
大器自江西遣兵復衡州

公下山訪子勿藥病耗雨寒甚過臺源寺逢夏公汝爲
公下竹昇慄不能語夏公授以絮已復歸山

嶽餘集有寒甚下山訪病兒存沒道中逢夏仲力下

竹昇慄不能語哀我無衣授之以絮歸山有賦志感

詩憶得詩句字稍異題作寒雨過臺源寺逢夏仲力下竹盤盤不得語仲力授以絮夏汝

爲字仲力汝弼兄蓮峰志稿本題同邑夏汝爲仲

力訂臺源寺在郡城西六十里

聞鄭公天虞收復寶邵將別石崖公往赴僧俗送者十
三人攀泣良久公亦淚別

有聞鄭天虞先生收復寶邵別家兄下山而西將以
臘杪往赴愴然而作詩

詩有上舉主歐陽公七絕一首歐陽公招遊龍沙同劉
曲溟周二丕泊齊年諸子寺有湯臨川手題卽用爲起
句五律一首元日泊章江用東坡潤州韻七絕二首舟
止五絕一首江行代記七律八首九礪之一五古一首

寒雨過臺源寺逢夏仲力下竹輦禁不得語仲力授以

絮感賦

嶽餘集題作寒甚下山訪病兒存沒道中逢夏仲力下竹昇慄不能語哀我無衣授之以絮歸

山有賦志感也

五律二首聞郡司馬平溪鄭公收復邵陽別家

兄西行將往赴之

嶽餘集作聞鄭天虞先生收復寶邵別家兄下山而西將以臘杪往赴愴

然而七絕一首月中曉發僧俗送者十三人皆泣下感

賦

嶽餘集題作月中曉發僧俗送者十三人皆攀泣良久余亦淚別

五律二首

憶得霜

度函口

憶得次

五律一首卽事七絕一首

嶽餘集已見憶得者雖

字句小異題不複出

明崇禎十七年甲申

國朝

大清順治元年 公二十六歲

春正月左良玉擊賊至長沙湘鄉土弁殺掠衡湘間

武夷公募僧掩遺骸 家世節錄先君終身未嘗向浮

屠老子像前施一掛甲申歲以寇退遺骸滿野募僧

拾而瘞之

公出蓮花峰赴邵陽三月至武岡州

蓮峰志總序甲申春出自蓮花峰下 有武岡道上

人採青蒿而食時春盡向夏彌月不雨愴然有作詩
十七日李自成陷京師十八日明莊烈帝殉社稷四月
國朝兵入關破走流賊李自成五月

國朝兵定京師明鳳陽總督馬士英等迎立嗣福王由崧
於金陵仍稱崇禎十七年以明年爲宏光元年

公始聞國變悲憤不食者數日作悲憤詩一百韻吟已
輒哭

行述甲申五月聞北都之變數日不食作悲憤詩一

百韻吟已輒哭後自乙酉丙戌至壬寅同原韻凡四

續焉

依曾刻本

悲憤詩原續韻均佚

石崖公子敝入學

文學廬原氏墓誌銘十五補邑文學

八月二十七日公次子放生 放公字曷功號蓄園

九月至東安

東安得歐陽叔敬弟詩見憶賦答詩云夕風搖霜樹

十月朔

國朝建元

將營續瀾菴公同夏公汝弼訪址至黑山行抵鐵牛菴
忽不喜往登玉門望獅子峰登戀響臺繇戀響眺一奇

石而上援石曲折得方址巋然可臺夜宿方廣寺曉同
夏公出寺拂讀朱菊水所鐫譚友夏嶽記由大拗下平
橋叢石閒兩石臨水下石承上石旁壁頂覆可度可登
公命人爲級穿折於肩肘之閒舉酒酌石勒名湧几

有將營續寢菴登雙髻峰半訪址詩黑山訪址詩鐵

牛菴下忽不喜往詩有喜尋黃玉門望獅子峰詩有

游餘槍在霜戀響臺詩繇戀響眺一奇石而上同夏

叔直援石曲折遂得方址巋然可臺詩曉同叔直出

寺拂讀朱菊水所鐫譚友夏嶽記詩湧几詩 湧几

注大拗而下平橋叢石閒覺有異已忽兩石臨水下

石承上石旁壁頂覆可度可登予命人爲級穿折于

肩肘之間攙度裂處顧其鬱逼尙以翔移爲苦造形
以來悠悠者誰望而目之則經此者又可知矣舉酒
酌石貌以湧几今往後來遊覽相屬風雨苔蘚之所
不忌則此石其傳也已時崇禎甲申陽月望後 黑
山在方廣寺西渡兩澗過雙江口絕壁如立蒼幽特
甚 鐵牛菴黑山下古刹 戀響臺在方廣寺右惠
海尊者補衲處名補衲臺粵人張博讀書其上易名
嘯臺譚友夏元春易名戀響臺 大小拗萬木千章
幽泉曲澗下有老營竹樹菁蒙、方廣寺在蓮花峰
下梁天監六年惠海尊者建 朱菊水名之臣蜀人
歷官兵部侍郎 譚友夏名元春竟陵人以詩名有

遊南嶽記節略及南嶽記餘均載蓮峰志

出嶽縱馬三十里曉及樟木市

縱馬三十里曉及樟木市詩注出嶽

營續寢菴

家譜嶽阡守墳菴在黑沙潭上雙髻峰中名續寢菴
詩有武岡道上人採青蒿而食時春盡向夏彌月不雨
愴然有作五律一首逢明王孫邀同冶仲小飲觀伎卽
席賦贈王孫名禪黎書法妙絕精禪理比以請兵幾死
於賊七絕二首東安得歐陽叔敬弟詩見憶賦答五古
一首將營續寢菴登雙髻峰半訪址五絕一首過鐵牛
菴忽不欲入

嶽餘集題作過鐵牛菴忽不欲入

五絕一首土門望獅子

峰用舊作韻

嶽餘集題作玉門望
獅子峰用舊作四韻

五律二首戀響臺眺

一奇石而上同夏叔直緣石曲折又得一址歸然可臺

嶽餘集題作繇戀響眺一奇石而上同
夏叔直援石曲折遂得方址歸然可臺五絕一首曉同

叔直出方廣寺步洗衲池讀朱菊水司寇所鐫譚友夏

嶽遊記

嶽餘集題作曉同叔直出寺拂
讀朱菊水所鐫譚友夏嶽記

五古一首湧几

勒石

嶽餘集題作
湧几有注

五古一首

憶得

黑山訪址五絕二首

縱馬三十里曉及樟木市大江寒流荒崖野艇七絕一

首寄方廣避亂諸緇侶七絕八首

嶽餘集
者雖字句小異題不

復出

朱王孫禮黎

公集中祇一見惟萃濟
王孫屢見疑卽一人

國朝順治二年乙酉

明福王
明唐王隆武元年

公二十七歲

春居續寢菴

有續寢菴岸側拈桃花示慈枝菴主詩

明桂端王薨安仁王嗣

磴齋公以恩選授貢生

家世節錄仲兄參之宏光貢生未就廷試

三月湖廣巡撫堵公允錫登嶽於方廣拜二賢祠從寺僧問公及石崖公避賊處將往續寢菴寺僧以道險止蓮峰志堵公允錫以宏光乙酉暮春踏新雨問余兄弟匿蹟處訪續寢菴欣然將登之下岳舉詩相示

有堵牧遊先生登嶽拜二賢祠於方廣垂問余兄弟避賊處將往尋訪山僧以道險止至郡以新詩見示感賦詩 堵允錫字仲緘號牧遊宜興人崇禎丁丑

進士宏光元年提督湖廣學政改巡撫永曆三年十一月卒潯州永曆實錄有傳 二賢祠祀朱晦菴張南軒兩先生嘉靖乙巳尹洞山臺立

堵公允錫以黃石齋先生紀其補廬先墓石刻來贈

有堵公以黃石齋先生石刻垂贈紀公補廬先墓事
有桐華之應詩

夏堵公允錫修二賢祠屬公與石崖公夏公汝弼營之
蓮峰志祠與寺廢未興高公世泰問其址乃立五楹
駢立窈然幽邃宏光元年夏堵公允錫隘之作前宇
王介之夏汝弼王夫之實經營之

五月

國朝兵下金陵至蕪湖明總兵田雄劫福王降公聞變續
悲憤詩一百韻閏六月明禮部尙書黃道周等奉唐王
聿鍵立於福州改七月朔以後爲隆武元年明鎮將張
先壁駐攸縣郝永忠駐甯遠盧鼎駐衡州劉承允駐武
岡縱兵剽掠相讐殺秋公偕磜齋公侍武夷公至耒陽
曹公國光招同陳公五鼎訪杜少陵墓

有耒陽曹伯實翁丈招同陳耳臣廣文訪杜少陵故
墓詩 曹伯實名國光耒陽人貢生 陳耳臣名五
鼎攸人崇禎貢生耒陽教諭有雨餘堂集

偕磜齋公侍武夷公至興甯遊石角山

戊子永興廖鄧二君邀宿石角山僧閣是侍先君及

仲兄礮齋公遊處詩有十月寒潭改三年客艇過句
一統志奇觀山在興甯縣南二十里一名石角山
侍武夷公避兵於永興館李公震隅宅上

丙寅有便江李爾雅尊人震隅先生先君同體執友
乙酉夫之侍先君避兵於便館其宅上爾雅方垂髫
同侍近通問山中爲先兄誌墓姪做修謝因感懷寄
訊詩 便漢書地理志屬桂陽郡今永興縣 耒水
至郴江口合郴水名便江

十一月還山堵公允錫再造方廣寺屬公與石崖公管
公嗣裘夏公汝弼襄其事

蓮峰志寺以隆武元年十一月十二日再造與其役

者楚撫義興堵公允錫仲緘衡陽王介之石子管嗣
裴冶仲夏汝弼叔直王夫之而農襄之也

明桂恭王薨永明王嗣

詩有續寢菴岸側拈桃花示蕊枝菴主七絕一首堵牧
遊先生登嶽拜二賢祠於方廣垂問余兄弟避賊處將
往尋訪山僧以道險止至郡以新詩見示感賦七律一
首堵公以黃石齋先生石刻垂贈紀公補廬先墓事有
桐華之應詩以誌之五律一首耒陽曹伯實翁丈招同
陳耳臣廣文訪杜少陵故墓七律一首劉杜三將至於
前溪渡畫扇見寄賦答五律一首

憶得詩

國朝順治三年丙戌

明唐王隆武二年

公二十八歲

居續寢菴始注周易

周易內傳發例跋隆武丙戌始有志於讀易矣

正月

國朝兵敗明兵於岳州

三月公至湘鄉洪公業嘉與公同年龍公孔蒸同年歐陽公鎮之子淑各出所和馮子振梅花百詠詩相示歐陽子倍之並邀公和公薄馮之爲人又以命題多不雅馴遂作桃花絕句數十首

和梅花百詠詩記上湘馮子振自號海粟當蒙古時以裨闖游燕中頗以文字自緣飾亦或與釋中峰相往還曾和其梅花百詠中峰出世因緣爲禪林孤高

者所不愜於馮將有臭味之合耶隆武丙戌湘詩人
洪業嘉伯修龍孔蒸季霞歐陽淑予私和上湘馮子
振梅花百詠各百首歐陽炫其英多倍之余薄游上
湘三子脫稿一卽相示並邀余共綴其詞旣已薄其
所自出而命題又多不雅馴懼爲通人所鄙戲作桃
花絕句數十首抵之以示鄭重 南窗漫記上湘洪
伯修業嘉與同邑龍季霞孔蒸以吟詠相尙擺脫几
近往往得霜鶴唳空之致丙戌開楚闈於衡陽伯修
落第歸徑嶽後賦詩六章寄意宏遠此豈經生心腎
中所能有此種性者未幾爲亂兵所害何從更得斯
人與遊大雅哉 孝烈傳洪孝子者父業嘉字伯修

補文學喜交遊吟詠與同邑龍孔蒸歐陽子私稱湘
三詩人 洪業嘉沅湘耆舊集傳字伯修湘鄉人少
以文雄屢厄於有司甲乙之亂當事者猶緣飾開闡
試士伯修復見遺乃浩然遠引循南嶽歸丁亥死於
亂兵著有嬾吟隨草 龍孔蒸沅湘耆舊集傳字季
霞湘鄉人崇禎壬午舉人流寇破長沙購捕紳士授
僞職走匿萬山中或攜瓢酒登絕巘悲歌竟日與同
縣洪伯修業嘉湘潭王山長岱友善自號筆樵作悠
悠筆樵夫四首以見志丁亥潰兵掠湘鄉攜家避石
板橋以護母故遂及於難著有類吟自刪存草 蓮
峰志卷三稿本題上湘龍孔蒸訂 歐陽鎮沅湘耆

舊集傳字山公湘鄉人崇禎壬午舉人湘鄉縣志文苑傳稱其練博通雅詩篇雄麗淹洽湘中稱詩者推爲老宿兼工行草書子淑亦有才名嘗和百梅詩一夕得二百首戊子春父子俱殉亂死 嶽餘集稿本題同里夏汝弼上湘歐陽淑訂 桃花絕句今佚

與洪公業嘉龍公孔蒸歐陽公鎮及其子淑

証以明年引注知鄭

石其別號登浮湘亭

庚寅有李廣生自黔生還歸闕率爾吟贈並感洪一龍三陽太僕山公及郎君鄭石諸逝者浮湘亭之遊詩注亭在湘鄉漣水西南郭天門司馬建今燬

夏上書僉都御史湖北巡撫章公曠湘陰軍次指畫兵

食請調和南北督師防潰變不省

盛夏奉寄章莪山先生軍中詩有銅馬已聞心匪石

及師克在和公自省之句 潘宗洛撰傳明藩稱隆

武年號者使其督師何騰蛟屯湖南制相堵允錫屯

湖北楚省兵燹塞野加以大旱赤地千里而逆闖李

自成既斃於九宮山餘黨降者號爲忠貞營蹂躪潛

漢有岌業之勢何堵兩公措置無術而又不相能先

生憂其將敗亟走湘陰上書於司馬章曠指畫兵食

請調和南北以防潰變章司馬報曰本無異同不必

過慮先生默而退 永歷寶錄何騰蛟既奉便宜之

命驟加派義餉兼預徵一年民田稅每畝至六倍以

上不足則開餉官餉生之例郡邑長吏皆以貲爲進
退又不足則開募姦人告密訐殷富罰餉傾其產分
諸營坐餉 堵允錫傳初傳上瑞棄黃州賣武昌城
事坐不測騰蛟拂拭奏用之擢監司及是題擢僉都
御史戴騰蛟不敢貳章曠亦以廷議齟齬騰蛟保任
節鉞荏苒不能自拔皆刺署門生如故允錫以清望
推督學雖節鉞之命自騰蛟奏薦而朝廷委任不在
騰蛟下雅不欲與上瑞齒乃據舊章刺以平交相往
還騰蛟不悅兩幕府賓類無賴士益相構煽遂成猜
離湖南北不相協應而瓦解之形勢成矣

秋八月

國朝兵下汀州明唐王被執公聞變續悲憤詩一百韻
舉行湖廣鄉試開闈於衡陽九月主試工部劉公明遇
以點定墨牘屬公已授之鑄武夷公不許竟事公乃止
南窗漫記丙戌開楚闈於衡陽 家世節錄丙戌歲
鄉試楚士於湖南劉沅松水部明遇以點定墨牘屬
夫之已授之鑄府君怒曰汝以是爲儒者分內事耶
卒不許竟其事

冬十月明總制兩廣兵部尙書丁魁楚巡撫廣西僉都
御史瞿式耜等奉桂王由榔監國於肇慶

國朝兵自江西入瀏陽

十一月初四日陶孺人卒年二十有五葬王衙山劉公

明遇作墓誌銘

家譜墓誌銘云稽古列女傳生而能敬者生質之美也能敬且和而孝友勤儉備者質美而進於教也求此於斯世之中幘則難矣鮮內則者多傲慢矜素封者多侈靡僻歸唁之情者琴瑟之愛薄耽燕婉之好者蘋蘩之節疏全德若斯之希得其一亦可以相衾裯而興戶庭矣能務多耶友人王子而農敏學敦行孝友聲聞能以身範閨壺法刑于之化者也妻陶孺人產衡陽千畝侯貲累鉅萬作合於青笠布縷之孝廉而不挾富以驕其夫家常則膏沐盥漱聞雞戒旦亂則抱形負影生死相憐女中之有鬚眉氣有鐵石

心者也賊氛訖楚後聚散不常骨肉之遭難不一以別姑於旅廢食者二日而病起以父死號哭不絕聲者七日而病篤以弟中深文係囹圄相繼以悲鬱者三日而身殉之嗚呼烈哉孺人之事畢矣其病也病於姑病於父病於弟其死也爲姑死爲父死爲弟死世有一人之身能爲此三大節病且爲此三大節死者稱奇男子俠丈夫矣可得於盈盈弱質英英翠黛之一婦人哉所不忍瞑目者無以報少年夫婿佐覓封侯爾雖然婦人之職與人子人臣之職一理所可全者人道也所不能全者天數也命實爲之謂之何哉孺人之事畢矣可以告無遺憾於爲人婦矣王子

慟其死而泣請於余余故泣然而爲之誌按陶氏先世自麻城遷衡祖繼先父萬梧皆爲衡人母何則粵產也孺人生以天啟壬戌十二月十八日子時歿以順治丙戌十一月初四日巳時歸王十載得年二十有五葬於本縣零泉鄉之王衙山耐祖塋右首艮趾坤子二勿藥放俱幼王子名夫之登湖廣壬午科春秋第一而農其字也銘曰蒸水深深瀟水渟渟有美一人瓊質冰心憫家難之頻仍兮淒其以風望七十二峰以長號兮嶽山爲之改容噉天皇土后以永訣兮首如飛蓬千秋百世遊碧溪朱陵以徜徉兮長砥湖湘之溷濛

家諸題參憲劉浣松先生撰注諱明遇蜀人案劉時仕明順治紀年蓋修譜時

所改

作陶孺人像贊作悼亡詩

像贊見薑齋文集悼亡詩見薑齋詩牘稿牘稿未注
年分家譜

附墓誌銘後因其一有寒風落
葉履新阡之句故以爲是年作

十八日庚申明桂王立於肇慶改明年爲永曆元年

永曆實錄紀十月丙戌上卽位于肇慶

武夷公命編春秋家說

春秋家說序先徵君武夷府君早受春秋於西陽楊氏進業於安成劉氏已乃研心曠日歷年有得惜無傳人夫之夙負鈍怠欲請而不敢歲在丙戌大運傾覆府君於時春秋七十有七悲大憫道誓將逝世乃

呼夫之而命之

成蓮峰志五卷

總序稱堵公允錫爲楚撫正是年

明桂王至梧州

詩有送李天玉以廣文行邑令之臨武五律一首盛夏奉寄章莪山先生湘陰軍中七律一首七言絕句六首

憶得悼亡七絕四首 薑齋詩臚稿

國朝順治四年丁亥 明桂王永曆元年 公二十九歲

春正月明桂王至桂林

公居續寢菴

有元日續寢菴用袁石公韻詩

登祝融峰觀飛來船至石浪菴晤破門上人

有祝融峰詩飛來船詩石浪菴贈破門詩

至湘鄉寓蝨慶菴日與洪公業嘉龍公孔蒸歐陽郎君
淑李公芳先游宴

有上湘劇飲陽山公宅上同李廣生洪伯修龍季霞
山公郎君鄭石夜分歸宿蝨慶菴月上有作詩 南

窗漫記余以窮愁客湘上日與伯修季霞歐陽予私
江陵李廣生芳先痛飲忘昏曉 李芳先永（歷）元年

以兵部主事與熊興麟於黔陽同被執黔陽令勸之
鬚髮不從械繫至常德守者欽其志義寬械繫夜靜
守者酣寢芳先遂得逸去附永（歷）實錄熊興麟傳

二月明桂王至全州

國朝兵克湘陰長沙明將盧鼎黃朝宣舉兵相攻殺三月明潰兵自湘鄉走邵陽新化所在殺掠

夏四月明桂王至武岡州公與夏公汝弼由湘鄉閒道奔赴淫雨彌月困車架山不果往

有淫雨彌月將同叔直取上湘閒道赴行在所不得困車架

本作宋依沅湘書舊集引詩改

山哀歌示叔直詩 車架山

在湘鄉縣西南九十里

聞洪公業嘉之子揮刃髻髻首梓田王氏婦彭抱嬰兒赴水死作孝烈傳

孝烈傳雙髻外史曰余避兵上湘湘之人競相告曰

洪子揮利刃以暨警首彭抱嬰兒而赴水死余諗之
良然

五月明將張先璧等縱兵掠邵陽新甯

國朝兵克衡州

公與夏公汝弼登湘鄉白石峰

夏汝弼白石峰紀歲丁亥月在午梅雨新霽與王子
而農披榛徑登白石峰 白石峰在湘鄉縣南

公避鉤索借書遣日

述病枕憶得丁亥與亡友夏叔直避鉤索於上湘借
書遣日

六月初五日子翼公卒秋八月

國朝兵克寶慶明桂王走靖州尋奔柳州

國朝兵克永州

十四日礮齋公卒葬王衙山二十三日公在湘鄉山中奉武夷公手諭曰汝若自愛切不須歸勿以我爲念明日武夷公疾石崖公自祁陽四望山聞信跟蹠先歸公亦還武夷公力疾率石崖公及公上南嶽峰頂以隱

家世節錄永曆丁亥避居湘鄉山中伯兄匿迹東安之四望山先君閒寄手書至曰汝若自愛切不須歸勿以我爲念時八月二十三日也書發之明日遂以覲疾伯兄跟蹠先歸夫之以次還先君願不喜已乃力疾率伯兄夫之上南嶽峰頂以隱 四望山在祁

陽縣西北百二十里接寶慶邵陽縣界北有騰雲嶺
可望零陵東安邵陽三縣

九月明桂王至象州

武夷公卧病潛聖峰

家世節錄先君卧病三月未嘗有一呻吟之聲

冬十月牧石公及配吳太恭人卒葬長樂三都木口石
盤寺後何公坪十一月武夷公疾亟命石崖公及公曰
吾居平無一言可用教汝兄弟者況今日乎我卽不起
當葬我此山之麓無以輓行城市違吾雅意十八日平
旦扶起晏坐而終年七十有八葬潛聖峰麓崇嶽鄉紫
蓋里馬蹟橋

家世節錄俄而疾急乃曰吾居平無一言可用教汝
兄弟者況今日乎我卽不起當葬我此山之麓無以
襯行城市違吾雅意十一月十八日平日扶起晏坐
而終 武夷先生暨譚太孺人合葬墓誌先生始終
爲明徵士遺命不以柩行城市方隱南嶽潛聖峰下
卽卜其麓以葬

十二月明桂王還至桂林

詩有元日續膠菴用袁石公韻七律二首祝融峰五律
一首飛來船七絕一首石浪菴贈破門七絕一首又雪
七律一首上湘劇飲陽山公宅同李廣生洪伯修龍季
霞山公郎君鄭石夜分歸宿益慶菴月上有作七律一

首淫雨彌月將同叔直取上湘閒道赴行在所不得困
車架山哀歌示叔直七古一首蕭一夔邀飲桐陰聽叔
直彈漁樵問答五律一首仿杜少陵文山七歌七首得
詩

蕭一夔名常廣湘鄉流寓志夏叔直字汝弼衡陽人
早有文譽舉於鄉丁亥歲湘衡亂潰忽有稱蓮冠道
人者攜一童子囊琴至梓田之車架山就僧樓而止
焉日就古木鳴泉閒藉危石彈琴吟嘯以終日已登
白石峰銅梁山觀瀑布輒數日不返問其姓字不對
人亦不能測邑士蕭常廣見而識之邀至家或歌或
哭與語世事則閉目兀坐不答居月餘莫知所往

國朝順治五年戊子

明桂王永曆二年

公三十歲

春居蓮花峰講求易理教公侍

周易內傳發例跋戊子避兵於蓮花峰益講求之

甲午詩題有從子救遘閔而後與子共命而活者七年

二月明桂王奔南甯六月入潯州八月至肇慶九月明宗室舉兵耒陽

冬十月公與管公嗣裘舉兵衡山戰敗軍潰遂攜教公走耒陽至於興甯宿石角山僧閣遇歐陽公霖遂由桂陽度嶺下滇江過清遠徑赴肇慶

永曆實錄管嗣裘傳與行人王夫之舉義兵於衡山

戰敗軍潰走行在章靈賦注舉兵不利遂繇郴桂入
粵 耒陽曹氏江樓遲舊遊不至詩有韓城公子推
空折之句 永興廖鄧二君邀宿石角山僧閣是侍
先君及仲兄磴齋遊處詩有十月寒潭改之句 癸
亥得安成劉救功書知舉主歐陽公已溘逝三年矣
賦哀詩注戊子冬遇公於興甯 有分界嶺詩澗峽
謠詩清遠城下憶湖湘舊泊詩 章靈賦注戊子冬
既至行關

堵公允錫薦公爲翰林院庶吉士公告之吏部尙書晏
公清請終制得旨覆允

龍溪夜話請終喪免閣試疏前督輔臣允錫誤以庶

常薦臣臣告之冢臣晏清幸得以終制覆允 晏清

字元洲永歷寶錄有傳

詩有耒陽曹氏江樓遲舊遊不至七律一首永興廖鄧
二君邀宿石角山僧閣是侍先君及仲兄壑齋遊處五
律一首分界嶺五古一首滇峽謠五絕五首清遠城下
憶湖湘舊泊五律一首月斜五律一首河田營中夜望
七絕一首 五十自定稿

國朝順治六年己丑 明桂王永歷三年 公三十一歲

明桂王在肇慶

春去肇慶繇梧州平樂至於桂林

晨發端州與同鄉人別詩有海甸見新草句 蒼梧

舟中望繫龍洲詩有綠樹沈流影句 初入府江詩
有粵草春易深句 春江古體詩有春鳥弄芳洲初
英照碧流句

三月

國朝兵復衡州

夏公自桂林歸南嶽理殘書攜買薇稿至縣西長樂鄉
石仙嶺下耐園侍譚太孺人養土人弄兵謀危公幾不
免劫家中所有去買薇稿與焉太孺人怛愍廢食公既
得脫太孺人諭令去衡公復赴肇慶

章靈賦注既至行闕所見尤爲可憂遲回再三已復
還楚 桂林偶怨詩有征衣無那棟花風句 有自

南嶽理殘書西歸慈侍困于土人殆濱不免太孺人
恒愍廢食既脫諭令去此有作聊呈家兄詩述病枕
憶得戊子後次所作爲買薇稿已爲土人弄兵者劫

去 家譜石崖公順治四年居南嶽山後遷長樂鄉
之石仙嶺下 石仙嶺在衡陽縣西與大雲山相接

案文學應原氏墓誌銘先生遵世守真口口耐園不
與世親應原依依園側躬耕授徒以待髯髮半白矣
响响如孺子執勞不倦如是者三十餘年以年計之
似此時已有耐園者查編年稿癸丑有和石崖公小
築耐園詩又似癸丑
始有耐園附此備考

秋至德慶州與鄒公統魯管公嗣裘同謁堵公允錫於
舟中堵公授公軍謠十首

南窗漫記堵牧遊先生於德慶舟中授余軍謠十首

令傳之其題則月家鄉馬兒女雨漿洗風曬涼筆先
鋒口打仗報瘡疾碁金丹血筵席營十殿備喪亂艱
危之狀天下之不支公心之獨苦俱於此乎傳之流
離中遠失其稿 庚寅有康州謠追哭督府義興相
公是去秋同鄒管二中舍會公地詩 鄒統魯字大
系衡陽人崇禎壬午舉人

桂林畱守大學士瞿公式耜爲公及汪公郊等請閣試
公疏請終喪免閣試得旨王夫之奏請終喪乞免閣試
足見孝思更徵恬品著俟服闋另與議考該部知道

請終喪免閣試疏湖廣衡州府衡陽縣舉人今丁憂
臣王夫之謹奏云云 又不謂畱守輔臣瞿式耜爲汪

郊等請闕試復以臣名廁於其後也又或謂臣在祥
之後可俟春明之期乃臣不但冒禴制以就試干聖
代匿喪之辟卽俟服闕以須試亦犯春秋居約之誅
此臣所聞命倉皇屏息而不甯者也 瞿式耜字在
田號稼軒永歷實錄有傳請闕試疏遺集不載

詩有晨發端州與同鄉人別五古一首蒼梧舟中望繫
龍洲五古一首初入府江五古一首佛山五古一首春
江古體五律一首南中霜降五律一首雜詩五古四首
圓通菴初雨睡起聞朱兼五侍御從平西謁桐城閣老
歸病書戲贈七律一首桂林偶怨七絕一首自南嶽理
殘書西歸慈侍困于土人殆濱不免太孺人恒慙廢食

既脫諭令去此有作聊呈家兄七絕一首長歌行樂府一首獨漉篇樂府一首休洗紅歌行一首莫種樹戲代山陰相公贈懷甯朱侍御歌行一首五十自定稿

朱兼五名嗣敏懷甯人官僉都御史方密之名以智桐城人是年正月拜東閣大學士禮部尙書稱疾不赴隱居平樂府平西村後祝髮爲僧更名無可一名藥地主青原方丈又稱極丸老人卒於泰和蕭氏浮春園永歷實錄有傳嚴起恆字秋冶山陰人官吏兵二部尙書東閣大學士永歷五年孫可望遣其將吳將軍索王封揮銅椎擊起恆腦墮水死永歷實錄有傳

國朝順治七年庚寅 明桂王永歷四年 公三十二歲

春正月

國朝兵下韶州明桂王走梧州

二月十八日服闋

繼娶襄陽文學儀珂公女鄭孺人來歸

家譜續哀雨詩虎止公跋孺人襄陽吏部尙書鳴峴

先生諱繼之之曾姪孫女雲南通判諱續之之曾孫

女也祖諱抱洵以貢授知州父諱儀珂郡文學母高

氏光祿公諱達女孺人年十八以庚寅歲歸先君子

於桂林案舊齋文集補遺顯考武夷府君行狀夫之

先娶云云繼娶鄭氏襄陽吏部尙書繼之
孫文學儀珂女孫上佚從字廣哀詩鄭生顯祖注襄
陽冢宰公繼之之從孫子內弟也從上佚曾字附此

正辨

吳貞毓萬翱程源張孝起等疏攻兵科給事中金堡太
嘗寺少卿兼吏科給事中丁時魁僉都御史劉湘客給
事中蒙正發都御史袁彭年詔置彭年勿問逮金堡等
下錦衣衛獄拷治三月瞿公式邦張公同做先後諫不
聽公至梧州拜行人司行人遂就職公偕管公嗣裴勸
大學士嚴公起恆匍匐進諫嚴公從之匍匐舟次泣諫
桂王不聽

行述已而歎曰此非嚴光魏野時也違母遠出以君
爲命死生以爾就行人司行人介子之職

依留刻本

潘

撰傳既服闋歎曰此非嚴光高蹈時也卽起就行人

司行人 行述科臣金公堡袁公彭年丁公時魁劉
公湘客蒙公正發主持振刷而內閣王化澄悍帥陳
邦傅內豎夏國祥等交害之指爲五虎廷杖下獄將
置之死府君謂嚴公諸君棄墳墓捐妻子從王於刀
劍之下而黨人假不測威而殺之則君臣義絕而三
綱斃雖欲效南宋之亡明白忼慨誰與共之勸公匍
匍求貸依曾刻本 潘撰傳桂藩駐肇慶紀綱大壞給諫
金堡丁時魁劉湘客袁彭年蒙正發志在振刷王化
澄等害之目爲五虎交煽中宮逮獄將置之死先生
約中舍管嗣裘與俱告嚴起恆曰諸君棄墳墓捐妻
子從王於刀劍之中而黨人殺之則志士解體雖欲

效趙氏之亡明白慷慨誰與共之者起恆感其言爲
力請於廷 嚴起恆傳起恆匍匐舟次泣奏諫臣非
今所宜譴嚴刑非今所宜用請貸堡等上不聽

錦衣衛士掠金公堡等舟公正色責之乃止

行述緹騎掠諸君舟僕妾驚泣府君正色責之而止

依曾
刻本

國朝兵下全州

夏四月雷德復奏許嚴公起恆王化澄調旨嘲激嚴公
稱疾乞骸骨公與行人董公雲驥交疏言大臣進退有
禮請權允輔臣之去勿使再中姦毒重辱國而灰天下
之心疏入董公不待報挂冠入南海去萬翱魯可藻請

逮治公降帥高必正力爭不可乃止

永曆寶錄紀雷德復奏訐嚴起恆起恆稱疾乞骸骨
行人董雲驥王夫之疏諫不聽 嚴起恆傳王化澄
密約朱天麟因胡執恭結孫可望爲外援脅上爲殺
起恆地執恭欲封可望眞王乃遣子欽華載金粟徧
賂臺省與相約結謀既定給事中雷德復遂露章劾
起恆二十四罪在廷中欽華餌無不欲逐起恆而封
可望化澄調旨用宋雷有鄰鼎鑄有耳語嘲激之起
恆稱疾請去行人董雲驥王夫之交疏言大臣進退
有禮請權允輔臣之去勿使再中姦毒重辱國而灰
天下之心疏入雲驥不候報聞挂冠入南海去翽可

藻請逮治夫之高必正力爭不可乃已

疏載龍源

夜話

公奉詔云時方倥偬欲靜兵刑之氣先銷唇舌之鋒科
臣雷德復以躁妄褫職正望大小臣工和衷一德共濟
時艱王夫之職非言官似訐似嘲偏激輔臣以去是何
肺腸奉內事姑不深究該衙門知道

載龍源夜話

五月公再疏劾王化澄

有五日小飲兼五舟中寄人時兩上書忤時相俟譴
命故及之詩 潘撰傳化澄之黨參起恆先生亦三
上疏參化澄結奸誤國

金公堡出獄戍清浪衛公省之舟中

南窗漫記金衛公堡詔獄後折足卧舟中余往省時
拜疏忤羣小怨亦將謝病入山矣

李公芳先自黔陽生還公與話浮湘亭舊遊相繼灑涕
將次洪龍諸公舊作梅花百詠會攸縣一狂人作百梅
惡詩一帙冒公名爲之序王化澄因之將構公大獄

有李廣生自黔陽生還歸闕率爾吟贈並感洪一龍
三陽太僕山公及郎君鄭石諸逝者浮湘亭之遊詩
和梅花百詠詩序庚寅夏昔同遊者江陵李芳先廣
生相見於蒼梧與灑山陽之涕李侯見謂君不忘浮
湘亭上盍尋百梅之約爲延陵劍耶余感其言將次

洪伯修龍季霞歐陽予私所作成之會攸縣一狂人
亦作百梅惡詩一帙冒予名爲序金谿執爲譽端將
構大獄擠余於死 王化澄金谿人

公憤激咯血移疾求去高必正爲請乃得給假

章靈賦注乃以病乞身遂離行闕 行述府君憤激

咯血因求解職時有忠貞營降帥高必正募義營救

之乃得給假依曾刻本 潘撰傳會有降帥高必正者救

之得不死亦不往謝也

秋七月偕鄭孺人攜枚公去梧州由昭平至平樂遇鄭
公古愛

晨發昭平縣飛雨過驢脊峽上泊甌灘會月上有作

詩有金光界波流大火循西指之句 南窗漫記庚

寅秋與鄭子遺中丞遇於昭刻本州 永歷講詔寶錄鄭

古愛傳字子遺江夏人四年夏楚事益壞乃起古愛

以僉都圖辰嘗領敕至平樂

劉公湘客出詔獄至平樂初度公壽以詩

劉星端學士昭州初度時初出詔獄詩有過嶺金風

緩當秋暑日懸之句

返至桂林依畱守瞿公式耜

畱守相公六袞仰同諸公次方密之學士原韻詩有

裁詩恰賦菱荷裳花塢馮畱七月仙諸句

八月初二日譚太孺人卒於耐園年七十有四遺命葬

武夷公右

行狀夫之閒關兩載未獲奉臨終之訓遺命介之更無餘語唯葬先君子嶽阡之右 家世節錄己丑歲夫之不孝從王嶺外隔絕無歸理憂思益劇遂以八月初二日橫罹崩摧

國朝兵逼桂林公偕鄭孺人挈姪公走永福

有石板灘中秋無月奉懷家兄詩

冬十一月

國朝兵下桂林明桂王奔潯州

甫自十一月至于十二月幽困永福水砦卧而絕食者四日鄭孺人與公謀由閒道南奔歸楚苦雨不能成行

作桂山哀雨四詩誦示鄭孺人破涕相勉

章靈賦注庚寅冬兩粵俱陷死於亂兵者幾矣 辛
丑續哀雨詩序庚寅冬余作桂山哀雨四詩其時幽
困永福水砦不得南奔卧而絕食者四日亡室乃與
子謀閒道歸楚顧自桂城潰後霖雨六十日不能取
道旦夕作同死計矣因苦吟以將南枝之戀誦示亡
室破涕相勉 桂山哀雨四詩今佚

明桂王奔南甯

詩有胡安人挽詩五古一首晨發昭平縣飛雨過驢脊
峽上泊甌灘會月上有作五古一首不寐五律一首劉
星端學士昭州初度時初出詔獄五律一首李廣生自

黔陽生還歸闕率爾吟贈並感洪一龍三陽太僕山公
及郎君鄭石諸逝者浮湘亭之遊七律一首答姚夢峽
秀才見柬之作兼呈金道隱黃門李廣生彭然石二小
司馬七律一首五日小飲兼五舟中寄人時兩上書忤
時相俟譴命故及之七律一首畱守相公六表仰同諸
公共次方密之學士舊韻七律二首石板灘中秋無月
奉懷家兄七律一首題彭然石初壁七絕一首康州謠
追哭督府義興相公是去秋同鄒管二中舍會公地歌
行一首 五十自定稿

胡安人彭然石焱小司馬原配見本詩序 姚夢峽
名湘餘杭人明亡不肯鬻髮隨金堡飄泊楚粵附永

歷實錄金堡傳 彭然石名焱孝感人附永歷實錄

晏壽明傳

國朝順治八年辛卯 明桂王永歷五年 公三十三歲

春正月

國朝兵下梧柳二州

公偕鄭孺人挈救公歸抵家始奉太孺人諱

辛丑續哀雨詩有猶記餘生雪窖歸及有約三春就

夕暉句

閏二月初二日石崖公孫生祁生 做公長子字薇性

邑庠鄉飲大賓

冬十月過石僊嶺問郭公鳳躄疾

有過涉園問季林疾遣作早梅詩

十二月明桂王奔廣南

永歷實錄紀上在太平冬孫可望遣兵脅上居興隆
詩有游子怨哭劉母五古一首落日遣愁五律一首偶
閱自遣七絕一首過涉園問季林疾遣作早梅七絕四
首五十自定稿

國朝順治九年壬辰 明桂王永歷六年 公三十四歲

春正月初一日公筮得睽之歸妹

章靈賦注壬辰元日筮得睽之歸妹

二月孫可望劫遷明桂王于安隆所

過蓮花峰

過西明寺追懷怡一上人示蒼枝慈智詩有重來春
水迷蒼翠之句 西明寺蓮峰志在蓮花峰南桐油
嶺

徙居耶薑山側

章靈賦注蒸水出耶薑山今謂之黃帝嶺時所避地
近其處 又時上受孫可望之迎實爲所挾旣拂君臣
之大義首輔山陰嚴公以正色立廷不行可望之封
爲可望賊殺君見挾相受害此豈可託者哉是以屏
迹幽居遷於蒸水之原 耶薑山一名大雲山又名
七里山又名白雲峰爲南嶽七十二峰之一跨衡陽
祁陽邵陽三縣

至白雲菴觀劉公惟贊新亭紋石

小霽過楓木嶺至白雲菴雨作觀劉子參新亭紋石

畱五宿劉雲亭下石門石座似端州醉石遂有次作

詩有初英見新紫句五十一自定稿次遊子怨哭劉母後未注年分其後則乙未春日

書情詩以時事推之訂爲本年徙居耶薑山後春未夏初所作

秋八月孫可望別將李定國由廣東入衡州招公欲往

不果

章靈賦注而可望別部大帥李定國出粵楚屢有克

捷兵威振耳當是時也欲畱則不得乾淨之士以藏

身欲往則不忍就竊柄之魁以受命進退縈回誰爲

吾所當崇事者哉又乃如可望者若巴蛇之飽颺尾

而遊而大君之威虎爲狐假反退養夫巽順若此者
豈足以有爲神器大名不可以久借功之無成固其
所矣桓溫失轍於枋頭劉裕覆師於關內古今如一
有心人去之唯恐不速也 潘撰傳可望分李定國
入粵遂入衡招先生先生不往作章靈賦

冬十月

國朝兵敗李定國於衡州定國退屯武岡

十二月初二日服闋

詩有過西明寺追懷怡一上人示蒼枝慈智七絕二首
五十自定稿

國朝順治十年癸巳 明桂王永曆七年 公三十五歲

明桂王在安隆所

永歷實錄紀上在興隆

居耶薑山側

正月初一日左公大素鄒公統魯期公同劉公惟贊過
白雲菴茶話

有元日左素公鄒大系期同劉子參過白雲菴茶話
詩 家譜鄒定周序典客王薑齋先生與難兄石崖
先生皆先中省公同年友也後相與共塢而處衡宇
相望

有邀公赴安隆所者公復筮得睽之歸妹乃止作章靈
賦以見志

章靈賦題注明年癸巳筮復如之時可望挾主滇黔
有相邀赴之者久陷異土既以得主而死爲歆託比
匪人尤以巷遇非時爲戒仰承神告善道斯章因賦
以見又賦注自違君側於茲三載

二月

國朝兵進擊李定國于永州十二月孫可望別將據武岡
新甯城步

公三子勿幕生

詩有元日左素公鄒大系期同劉子參過白雲菴茶話
五律二首春盡五律三首五十自定稿

國朝順治十一年甲午 明桂王永曆八年 公二十六歲

明桂王在安隆所

永應實錄紀上在興隆

春居耶薑山側

三月哭李公跨鼉

哭李一超詩有鷓鴣春先逝丹心互夜臺之句 辛

酉廣哀詩有李孝廉跨鼉一首注字一超避山中乙

未卒

案丁丑故孝廉李一超元配林孺人哀
詩有十四年來千種事是李卒於本年

秋八月公避兵零陵北洞釣竹源雲臺山等處救公留
侍石崖公旋以避兵被掠遇害

從子救遘閔而後與予共命而活者七年頃余竄身
搖中不自以必生爲謀救因畱侍伯兄時序未改避

伏失據掠騎集其四維方聞道往迎已罹鞠凶矣悲
激之下時有哀吟草遠佚落僅存四首其一有斜日
荒荒打棗天猶向金風淚黯然其三有岳阡秋草應
含怨諸句 釣竹源雲臺山爲庚戌懷入山以來所
棲伏林谷二十九首之二總注右零陵北洞

冬徙居常甯西南鄉小祇園側西莊源

丁酉有西莊源所居後嶺古木清沼凝陰返暎念居
此三載行將舍去因賦一詩五古 小祇園西莊源
爲庚戌懷入山以來所棲伏林谷二十九首之二總
注右宜江 常甯縣志衡陽王夫之甲午由南嶽移
居常甯之西莊源丙申生子敵丁酉復返南嶽爲邑

人說春秋居遊多有題詠 小祇園在常甯縣西南
近甯遠縣桂陽州界

變姓名爲獠人隱士王東卜先生文儼常餽公粟

沅湘耆舊集小傳嘗匿常甯獠洞變姓名爲獠人又

王國甲小傳述舊詩注明季高祖王文儼先生上中
興戰守策鍾山軍乏餉高祖具酒食約七十里長動
以捐紓國急高祖親董解軍晚年隱於東卜園號東
卜先生衡陽王而農先生亦來隱於邑之西莊園爲
獠人飲食皆高祖給之

爲常人說周易春秋殷公銘以文藝相質公爲之訂正
常甯文士來者益眾

薑齊文集殷浴日時藝序甲午避兵宜江山中又浴

日始以帖括見示繼此而宜江士友汎晉與余言帖

括案序浴日少與余同文場已與余同漂泊今又與余同爲訓詁師以自給蓋乙未丙申所作

殷浴日名銘常甯人順治閒貢生沅湘耆舊集有傳

詩有哭李一超五律一首再哭季林兼追悼小勇匡社

舊遊五律一首晦日五律二首夏夜五律一首秦王卷

衣五絕一首長干曲五絕一首白鼻騮五絕一首江南

曲五絕一首五十自定稿

國朝順治十二年乙未明桂王永曆九年公三十七歲

明桂王在安隆所

永曆寶錄紀上在興隆

春客游興甯山中寓於僧寺有從遊者爲說春秋

爲晉甯諸子說春秋口占自笑詩其一有傷心難自
遣開卷是春王其三有南岳經聲苦東林眉宇嘆之
句 行述自此隨地託迹或在浯或在郴或在耒或在
在晉甯或在漣邵所寓之處人士俱極依慕亡考不
久爾輒辭去 晉甯晉書疆域志屬桂陽郡今興甯
桂陽桂東縣地

始作周易外傳

周易內傳發例跋乙未於晉甯山寺始爲外傳

用瞿宗吉詠西湖景數辛稼軒君莫舞君不見玉環飛
燕皆塵土體作瀟湘小八景雁峰煙雨石鼓江山東洲

桃浪西湖荷花花藥春溪嶽亭雪嶺朱陵仙洞青草漁

鏡詞

瀟湘小八景詞記 國朝瞿宗吉詠西湖景數辛稼

軒君莫舞君不見玉環飛燕皆塵土體詞意淒絕又

乙未春余寓形晉甯山中聊取其體仍調寄摸魚兒

八月老子衍成

老子衍序始創之時歲在旃蒙協洽又作於壯月己

未

詩有春日書情五古一首爲晉甯諸子說春秋口占自

笑五絕四首八月梨花五排一首讀指南集七律二首

君子有所思行樂府一首副蕨行樂府一首山居雜體

兩頭纖纖歌行一首山居雜體五雜俎歌行一首

五十一

自定稿

國朝順治十三年丙申

明桂王永（歷）十年公三十八歲

居西莊源

去年至興寧流寓久暫不可考本年有新秋看洋山雨過詩故以爲居西莊源

二月明桂王奔南甯

三月黃書成

黃書後序歲德在丙火運宣也斗建惟辰春氣全也
文明以應竊承天也太原之系世胄縣也爲漢大行
忠效捐也悲滿窮愁退論旃也明明我后逃播遷也
俟之方來須永年也黃書之所以傳也

得敵公去冬寄呈山居雪詠詩

有春盡從子敞寄山居雪詠絕句歛爾隔歲聊復和
之詩

五月二十八日公四子敞生於西莊源

致公字虎止號蕉畦明經候選訓導

冬還衡陽登雙髻峰至二賢祠重讀堵公允錫詩

重登雙髻峰詩有北望暮雲寒句 有二賢祠重讀

義興相公詩感賦詩

詩有春盡從子敞寄山居雪詠絕句歛爾隔歲聊復和
之五絕一首重登雙髻峰五律一首二賢祠重讀義興
相公詩感賦五律一首痛噉顛寒熱癢哭笑五絕各一
首新秋看洋山雨過五排一首哭歐陽三弟叔敬沈湘

七絕一首 五十自定稿

國朝順治十四年丁酉 明桂王永圖十一年 公三十九歲

春居西莊源夏四月徙歸衡陽蓮花峰下續寢菴

西莊源後嶺前壑古木清沼凝陰返暎念居此三載
行將舍去詩有游儵遵綠漪及芳草良未歇之句

冬十二月至小雲山下訪劉公近魯

小雲山記友人劉近魯居其下有高閣藏書六千餘
卷 冬盡過劉庶先夜話效時詩有端自蓮花瓣裏
來句 劉近魯沅湘耆舊集傳字庶先一字庶僊衡

陽人

詩有詠櫻桃迎春山警紫荊杜鵑黃杜鵑金釵股岡梧

花五律各一首卽事五律一首小步七絕一首吟得七絕一首折楊柳七絕一首冬盡過劉庶先夜話效時七律一首 五十自定稿

國朝順治十五年戊戌 明桂王永曆十二年 公四十歲

明桂王在雲南

居續寢巷戴先生日煥來謁

贖稿題戊戌嶽後戴晉元來訪今來復連榻旃檀詩
有我居雙髻峰句 戴日煥沅湘耆舊集傳字晉元
衡陽諸生家世饒財明季蕩於寇年踰冠尙未就傳
時避兵嶽寺貧不能具膏火夜執書就佛鐙讀遂通
五經及諸子尤窳於易後遊王船山先生之門所造

益深博

正月家聘公子珍之公生子枚 枚公字吉從

七月

國朝兵定武岡新甯城步

九月家世節錄成

家世節錄序時永曆十有二年季秋月朔日乙未徵
仕郎行人司行人介子夫之謹述

十二月明桂王奔永昌

永曆實錄紀不載

詩有明妃曲七絕一首枯魚過河泣樂府一首

五十白
定稿

國朝順治十六年己亥 明桂王永曆十三年 公四十一歲

春正月明桂王走騰越

永歷實錄紀上在雲南

居續寢菴

二月

國朝兵下永昌明桂王奔緬甸

詩有山居雜體卦名五古一首山居雜體吃口詩五絕

一首山居雜體藥名五律一首口字詩五絕一首山居

雜體縣名五律一首山居雜體建除五排一首南嶽摘

茶詞七絕十首

五十自定稿

國朝順治十七年庚子

明桂王永歷十四年

公四十二歲

明桂王在緬甸阿瓦城

永歷實錄紀上在雲南李定國師潰奉居永昌

春居續寢菴三子勿幕殤徙居湘西金蘭鄉高節里卜
築於茱萸塘蓬簷竹牖植木九柱編篋爲壁初造小室
名曰敗葉廬

茱萸塘敗葉廬爲庚戌懷入山以來所棲伏林谷二
十九首之二總注右湘西 續哀雨詩跋歲庚子遷
金蘭高節里之茱萸塘 湘西草堂虎止公記迄歲
庚子乃徙居湘西之金蘭鄉卜舍於茱萸塘初造小
室名之曰敗葉廬蓬簷竹牖植木九柱編篋爲壁

哭鄭先生顯祖

哭內弟鄭忞生詩有春雲覆平野及舊愁疑在春廬

驚之句 廣哀詩鄭生顯祖注字忝生襄陽冢宰公
繼之之曾從孫子內弟也從子學略成文章庚子天
冬和郭公都賢尹公民興落花詩

正落花詩序庚子冬初得些菴大觀諸老詩讀而和
之成十首以嗣有眾什命之以正 郭都賢湖南通
志字天門號些菴天啟壬戌舉人由行人累官至僉
都御史巡撫江西乞歸福王立授操江不赴桂王立
以兵部尚書召已祝髮爲僧流寓嘉魚沔陽 沅湘
耆舊集郭都賢些菴小傳初依熊魚山開元尹洞庭
民興於嘉魚梅熟菴已流寓沔陽築補山堂有畱別
大觀七律二首 王子得須竹鄂渚信知李雨蒼長

逝遙望魚山哭之詩其六云赤壁雄風百戰酣新安
碧血染江南大觀綽板先君歇淒絕吳江老葉菴注
雨蒼蚤與金正希尹洞庭熊魚山齊名時金已殉難
尹亦先逝熊公偕隱吳江存亡未審

詩有正落花七律十首

落花詩

哭內弟鄭忝生歌行一首

五十自定稿

國朝順治十八年辛丑 明桂王永曆十五年 公四十三歲

明桂王在緬甸赭磴

永曆實錄紀永曆十五年李定國奉桂王奔緬甸

居敗葉廬夏續落花詩

續落花詩序自冬徂夏泝落沿開

六月二十一日鄭孺人卒年二十有九葬大羅山

虎止公續哀雨詩跋歲庚子遷金蘭高節里之茱萸塘次年棄世虛其左壬申十月先君子遺命合葬焉
九月補落花詩

補落花詩序此帙之登逢秋斯盡月寒在夕葉怨於枝

登嶽峰悼鄭孺人

嶽峰悼亡詩有楓落一林霜之句

哭管先生永敘

哀管生永敘詩有落葉楓喧夕嘯鴉柏冷霜之句

冬十二月

國朝兵至緬甸明桂王被執明亡

永歷實錄紀永歷十六年上在緬甸李定國收兵安南緬甸人叛劫駕入雲南

詩有續落花七律三十首廣落花七律三十首詠落花七律十首落花譚體七律十首補落花七律九首

落花詩

來時路悼亡五古三首嶽峰悼亡五律四首哀管生永敘五排一首續哀雨詩七律四首初度日口占七絕六首五十自定稿

家譜續哀雨詩跋孺人襄陽吏部尙書鳴峴先生諱繼之之曾姪孫女雲南通判諱續之之曾孫女也祖諱抱洵以貢授知州父諱儀珂郡文學母高氏光祿

公諱達女孺人年十八以庚寅歲歸先君子於桂林
歸而偕隱嶽之雙髻峰歲庚子遷金蘭高節里之茱
萸塘次年棄世虛其左壬申十月先君子遺命合葬
焉孺人之歿敵方六齡蒿蔚虛生無能表揚敬纂挽
章數詩庶識大節之共垂不朽爾不孝敵識

